

續十八史略讀本

宮脇通輔編次

リ 8
1468
1



宮脇通赫編次

續十八史略讀本

東京

山中市兵衛

白理因
首因不



續十八史略讀本卷之十一

續十八史畧讀本卷之一
內閣藏書

與
與
與
與
與
與
與
與
與
與

影刻會社石印

子
子
子
子
子
子
子
子
子
子

子
子
子
子
子
子
子
子
子
子



續十八史畧讀本卷之一
內閣藏書

題續十八史略首

地球全面列國如林地異其風國
殊其政法古來今有盛衰有強弱
若英國不過西洋之一小島國初
事跡鮮能舉其詳考及明君
賢相代出務財利農鍊兵惠工
國勢大振遂致今日之富強可謂

威矣支那文物之開先於西洋
唐虞之禪讓屬共和政治之首
唱周公之制周官或創佛圖立
灋之意且彼則待百歲之經驗
而後行之此則在四海之草昧
而既舉之就其年代時世較之不
亦盛乎惜夫其俗守舊而不移


新譯內而不通外是以國勢陵夷
有七萬三千百方里之土地四億五
百萬之人口而不能富彊詢可嘆
也蓋漢史察各國之盛衰強弱不
在土地之大小而在政治之舉與不
舉不在人口之衆寡而在智識之
進與不進可不戒且勵乎明治九年

十一月廿二日曜

種月種藝識



佐瀨得所書



讀史之要有二一以稽歷代之制度一以資自家之鑒戒余覽日本初學之士好讀曾氏之十八史畧其書不出卷帙而數千年間治亂興廢之故與仁暴

讀史之要有二一以稽歷代之制度一以資自家之鑒戒余覽日本初學之士好讀曾氏之十八史畧其書不出卷帙而數千年間治亂興廢之故與仁暴

聖愚之蹟粲然如指掌使
讀者易於得其要領也既
易於得其要領則於稽制
度資鑒戒亦復易耳且矣
其初學之士之好讀之也
而其書所載始自上古終

于宋季其終之年距今六
百可不謂久且遠哉凡稽
制度資鑒戒久無如新遠
不及近此愈久愈遠則愈
濶於讀者當日之事情故
也日本宮脇氏嘗據元

明及我 清朝之諸史採
摭編輯以倣于曾氏之書
焉其所錄舉較加詳悉而
所載之事蹟則新且近於
彼也則是篇頗有切於讀
者當日之事情者而警制

度資鑒戒亦且多於彼矣
其讀十八史畧者不可不
尋讀是篇也編輯既成就
余需序余適客日本親
視其初學之士之所好竊
喜久之而是篇之成也必

有所裨益於其初學之士
而係我內地之史典遂不
得固辭書之為序時大
清光緒二年丙子夏五月
五日即大日本明治九
年五月二十七日

浙江葉松石撰



雪堂松茂弼書



雪堂松茂弼書

續十八史畧

派氏葉林氏新

凡例

一 是篇編次元明清三代以續于曾氏十八史畧故名曰續十八史畧

一 元明清史乘及本邦所傳諸書參考錄之又有直就清人質者矣

一 音切一依字典釋文皆舉所引書名間有加愚按者餘並不_三敢強為之說

一 行文上抹右傍者為人名左傍國號及地名點右傍者表其嘉言善行也

一 修史之方識見正大文章優美兼有此二者始可從事

續十八史畧卷之二 凡例

焉。蓋曾氏兼有此二者。故有十八史畧之撰。愚無一于此而續成是篇。自知莫遠僭踰之罪。但以曾氏之編止于宋亡。宋亡之後。至于今日。國陟三代。歲閱六百。頗有關係於天下。子弟既通于十八史畧之後。則不可不必及于此。故特有此舉爾。

通赫識

是篇編次。亦即前三卷之體。曾為十八史畧。其目曰

目錄

卷之一

元

自世祖至順帝

卷之二

明上

自太祖至英宗復位

卷之三

明下

自憲宗至帝由榔

卷之四


清上

自太祖至世祖

卷之五

清下 自聖祖至文宗

Table with multiple vertical columns for listing contents, mostly blank.



續十八史畧讀本卷之一

伊豫 宮脇通赫 編次

元元

元土伯特國之分支

世祖文武皇帝姓奇渥温氏名忽必烈太祖鐵木真第四子。拖雷之第四子。憲宗蒙哥之同母弟。其先土伯特國土伯特古吐蕃元明為烏斯藏今為西藏之分支也。當土伯特尼雅特汗汗猶漢言皇帝七世之孫。為奸臣隆納木所篡時。其季子布爾特齊諾逃至恭博地方。往渡騰吉斯海。東至遇必塔。國人詢知土伯特汗之子。遂群戴為君。十二傳至多幹索和爾。生七子。其季曰勃端察爾。其母阿蘭果火夜寢。屢有光明照其腹。乃

伊豫 號 1468 卷 1



太祖生手
握凝血如
赤石

生勃端察爾始居鄂諾江。招服鄂郭爾察克部落七傳至
哈布勒汗。其子也速該吞併諸部漸強盛。追謚曰烈祖神
元皇帝。烈祖生四子。其長曰鐵木真是。為太祖聖武皇帝。
初烈祖征塔塔兒部。獲其部長鐵木真。宣懿后月倫適生
太祖。手握凝血如赤石。烈祖異之。因以所獲鐵木真名之。
太祖幼有大志。用兵如神。烈祖歿時。太祖歲甫十三。自立
為汗。統其部眾。族人秦赤烏合七部人。凡三萬。攻之。太祖
大戰敗之。部眾因悉歸秦赤烏部。遂微太祖。初以乃蠻部
內蒙古。強盛事之甚謹。乃蠻反。侵掠之。太祖乃會屬部戰
乃蠻。大敗諸部。悉潰。於是收服內外蒙古。蒙古周環沙漠諸游牧國之大

成吉思汗

封長子术
赤于俄羅
斯地方

名也。一曰韃靼。漠北為外蒙古。漠南為內蒙古。漢為匈奴。又為單于。自漢以來。為胡。為柔然。為東西奚。為突厥。為回紇。皆其地也。大會諸部于斡難河之源。斡難河黑龍江上流。斡烏活切。建九斡
白旂。即位。群臣上尊號曰成吉思汗。乃宋開禧二年也。是
為太祖元年。太祖屢起兵伐金。金女真阿骨打之國號。取燕京及山
東山西諸郡縣。時蒙古西部作亂。太祖自率大兵往征。長
子术赤將騎兵七十萬會戰。破郭爾羅斯及哈爾里固特。
進畧西域諸國。乃封長子术赤于俄羅斯地方。次子珠齊
于托克瑪克地方。並即汗位。太祖班師定都于鄂爾坤。鄂爾坤一曰和林。大漠之北。枕愛山之南。鄂爾坤河之西北。其地舊回紇建牙之處。古北匈奴所庭也。征土伯
特。至東印度。伐西夏。元昊僭稱之國號。取甘肅。踰沙陀。至黃河九

太祖殂

渡遂滅西夏以其主李覲歸丁亥年

宋寶慶三年

七月太祖殂

于六盤山在位二十二年壽六十六葬起輦谷

地在和林

時第

三子窩闊台留霍博之地國事無所屬第四子拖雷監國

越二年窩闊台立是為太宗英文皇帝太宗有寬弘之量

賢相耶律楚材

委任賢相耶律楚材

楚材字晉卿遼東丹王突欲八世之孫金尚書右丞履之子也為元中書

令及卒追封康寧王謚文正

庶民樂業時稱治平約宋滅金國勢愈昌

太宗殂

太宗出獵殂于鈿鐵鐔胡蘭在位十三年壽五十六初太

宗有旨以皇孫失烈門為嗣及太宗殂皇后乃馬真氏臨

朝稱制者五年乃議立定宗即位于江吉滅禿里定宗名

貴由太宗長子也母曰六皇后乃馬真氏定宗在位三年

定宗殂

而殂壽四十三追謚曰簡平皇帝定宗既殂皇后海迷失

抱子失烈門垂簾聽政諸王大臣不服共議立憲宗憲宗

諱蒙哥太祖第四子拖雷之長子也憲宗既立追尊其考

拖雷為帝廟號睿宗失烈門及諸弟心不能平憲宗因察

諸王有異同者並羈縻之取主謀者誅之由是衆心始定

憲宗命太弟忽必烈總治蒙古漢地民戶事又命於桓州

東灤水北之龍岡建設城市為都會之所名曰開平府憲

宗南征殂于釣魚山在位九年壽五十二追謚曰桓肅皇

帝憲宗剛明雄毅沈斷寡言不樂宴飲不好侈靡善用兵

憲宗既殂時世祖南征在鄂州聞阿藍答兒等謀立世祖

憲宗殂

阿里不哥
僭號

阿里不哥
來歸

弟阿里不哥乃北還至開平諸王大臣同勸進遂即位建
 元中統宋景定元年阿里不哥僭號于和林曲城辛酉二年宋景定二年
 封皇子真金為燕王領中書省事癸亥四年宋景定四年
 三月初建太廟以開平府為上都甲子至元元年宋景定五年
 以燕都為中都大興府八月阿里不哥兵屢敗至是率諸
 王群臣來歸世祖曰諸王皆吾太祖之裔並釋不問其謀
 臣不魯花伏誅乙丑二年宋咸淳元年以安童為右丞相伯顏
 為左丞相以劉秉忠為太保參中書省事戊辰五年宋咸淳四年
 行新製蒙古字立諸路蒙古字學辛未八年宋咸淳七年
 許衡為國士祭酒十月建國號大元壬申九年宋咸淳八年改

伯顏伐宋

中都曰大都癸酉十年宋咸淳九年國子祭酒許衡致任甲戌
 十年宋咸淳十年命史天澤伯顏師諸軍南征天澤有疾而
 還尋卒伯顏大會兵于襄樊水陸並進乙亥十二年宋德祐元年
 伯顏率大軍渡江順流東下松江郡縣望風降附進克
 池州建康攻獨松關宋遣使乞和丙子十三年宋德祐三年正
 月伯顏督諸軍入臨安宋賈餘慶等奉德祐帝及理宗后
 謝氏度宗后全氏以降五月德祐帝至上都降封瀛國公
 宋陳宜中陸秀夫張世傑共立益王是為帝即位于福州
 十一月阿剌罕董文炳等率兵至建寧府遂攻福州陳宜
 中張世傑奉宋帝航海奔廣州丁丑十四年宋景炎二年阿剌

張弘範入閩廣

罕攻克汀州。宋守將文天祥奔漳州。十一月，劉深以舟師襲淺灣。宋帝奔井澳。戊寅十五年，宋景炎三年以張弘範為都元帥，李恒副之。帥師入閩廣。宋景炎帝崩于碭川。陸秀夫立衛王昺為帝。六月，以許衡為集賢大學士，兼領太史院事。張弘範兵襲五坡嶺，獲文天祥。弘範釋其縛，以客禮見之。天祥不屈，固請死。己卯十六年，宋祥興二年張弘範以精兵攻厓山。薄宋中軍。張世傑乃以十六舟奪港而去。陸秀夫走帝舟。帝舟大不得出，走乃先驅其妻子入海。即負帝同溺焉。越七日，屍浮海上。因得帝屍，及詔書之寶。世傑復還厓山，欲別立趙氏以存祀，而不得。乃航海赴安南。木

宋陸秀夫負帝溺海

世祖遂義 正統王中 國

風覆其舟。世傑溺焉。宋亡。世祖遂義正統王中國。混一寰區。開十傳之統緒。○庚辰十七年正月，都元帥張弘範卒。○七月，以郝禎、耿仁並為左丞。阿合馬援引二人，驟升同列。交為蒙蔽。廷中相見，無敢言者。○八月，集賢大學士兼國子祭酒許衡致仕。衡以疾乞致仕。皇太子遣使諭之曰：「公毋以道不行為憂也。公安則道行有時矣。」○高麗王王曙來朝，且言將益兵三萬征日本。○十月，以阿剌罕為右丞相。大發兵擊日本。○十一月，行授時曆。郭守敬等所造也。授時書，堯典也。○十二月，男子中真、男子世以為名言。成宗大德間贈太子師恒陽王謚文正。

擊日本

寶默比汲

弘吉刺后

昭文館大學士寶默卒默為人樂易平居未嘗出一言方
 人物至論國家大計面折廷諍人謂可比汲黯汲黯仕漢武帝好直諫
 諫○高麗王王睿領兵萬人水手萬五千人戰船九百艘
 糧十萬石出征日本○辛巳十八年皇后弘吉刺氏崩后
 性明敏達於事機國家初政左右匡正與有力焉四怯薛
 奏割京城近地牧馬帝許之后將諫陽責大保劉秉忠曰
 汝何不諫若初定都時以地牧馬則可今軍民分業已定
 奪之可乎事遂止宋亡幼主入朝后不樂帝曰江南平自
 此不用兵甲人皆喜之爾何獨不樂后曰自古無千歲之
 國州使吾母子及見此則幸矣宋太后全氏至京不習風

許魯齋卒

土后屢奏乞令回江南帝不允后退厚待之怯薛猶漢言分番宿衛本
 祖功臣博滿忽博爾木木華黎赤老溫四族世領
 怯薛之長陽貴陽與伴同不允不肯也屢撤也○三月
 許衡卒衡病革家人祀先衡曰吾一日未死寧不有事於
 祖考起奠獻如儀既撤而卒年七十二衡嘗語其子曰我
 平生虛名所累竟不能辭官死後慎勿請謚勿立碑但書
 許某之墓四字使子孫識其處足矣病革革音戰亟也祖考考生日父死曰考
 碑豎石也徐鉉曰古宗廟立碑以繫牲耳後人因於其上
 紀功德雲間張氏曰嗚呼魯齋學孔孟者也人謂孔孟之
 窮臣意魯齋之窮又浮於孔孟何也蓋孔孟有列國以高
 其志於是海內皆元魯齋不遇元主于巷將焉遇之觀其
 語子之言則其不滿厥志者可見矣○八月擊日本諸將弄師於海島而還
 初帝屢遣使往通日本不納乃命鳳州經略使忻都伐之

續十八公...

五

颶風敗舟

焚道書

無功而還。復遣禮部侍郎杜世忠等使其國。亦不報。且執世忠等殺之。去歲命右丞相阿剌罕右丞范文虎等率師十餘萬。以往阿剌罕卒于軍。於是詔以左丞相阿答海代之。未至。文虎等已航海至平壺島。遇颶風敗舟。諸將各擇堅艦乘之遁去。棄士卒十餘萬于島。眾推張百戶者為帥。方伐木作舟為歸計。日本覘知之。率眾襲殺殆盡。惟餘南人萬餘不殺而奴之。未幾得還者財三人。不報報答也。平壺島肥前國平戶島也。颶正字通颶字之偽。音懼。海中大風。南越志。颶風者。具四方之風也。南人漢土人也。財與縷同。三人于闐莫青。五。

○十月焚毀道書。帝方信桑門之惑。詔樞密副使張易參校道書。言惟道德經為老子所著。餘皆後人偽撰。詔

二君非誠於不惑者

王著殺阿合馬

悉焚之。桑門即沙門釋氏也。靜軒周氏曰。世祖之焚道書。非能灼見其因。於馬毀之。特因惑桑門之說。故從焚。桑鳴呼道書既知其偽。而佛書則可以為真。而傳嗣萬世。平如宋之徽宗惑於道教。而敗桑門之說。世祖惑於桑門。而焚道教之書。二君皆有偏之惑。非誠於不惑者矣。

○壬子十九年二月。帝如上都。為上都。統四年。以開平府。○三月。益都千戶王著殺左丞相阿合馬於闕下。著因人心憤怨阿合馬。密鑄大銅鎚。與高和尚者謀擊殺之。時皇太子從。帝如上都。而阿合馬留守京師。著以太子素惡其姦。乃遣皇太子從金西僧至中書。詐稱皇太子還都作佛事。復矯太子令。俾樞密副使張易發兵夜會東宮。易不察。遽以兵往。時高鵬張九思宿衛宮中。鵬問果何為。易附耳語曰。太子來誅左相也。既而省中遣使

出迎悉為偽太子所殺奪其馬入健德門夜二鼓至東宮
前立馬呼省官至前責阿合馬數語著即牽去以所鑄銅
錘碎其腦立斃於是觸九思開門大呼曰此賊也叱衛士
急捕之衆奔潰多就擒高和尚逃去惟著挺身請囚時帝
在察罕腦兒聞之即遣和禮霍孫等歸討為亂者獲高和
尚於高粱河與王著張易皆棄市著臨刑大呼曰王著為
天下除害今死矣異日必有為我書其事者帝猶不深知
阿合馬姦及詢樞密副使博羅乃盡得其罪惡始大怒曰
王著殺之誠是也命發塚剖其棺戮屍於通玄門外縱犬
食之四民聚觀稱快遂窮治其黨耿仁等亦尋伏誅

腦髓也

挺直持也粟市刑人於市與衆乘之 ○七月高麗國王請自造船一百五十艘助征日本 ○八月帝還大都 平元年八月定都平陽改京為中都大興府九年改中都曰大都 ○十月以孔洙為國子祭酒兼提舉浙東學校孔子後自宋南渡初其四十八代孫端友子玠寓衢州帝既平宋疑所立或言孔氏子孫寓衢者乃其宗子呂洙赴闕洙遜於居曲阜者帝曰寧違榮而不違親真聖人後也遂命之 ○十二月殺宋少保樞密使信國公文天祥天祥留燕三年坐卧一小樓足不履地帝求南人有戈者甚急宋降將王積翁薦文天祥帝欲用之天祥不屈而曰國亡吾分一死耳倘緣寬得以黃冠歸故鄉他日以方外備顧問

違榮而不違親

續通志卷之二十一

可也。議將釋之。未幾中山狂人自稱宋主。有衆千人。欲取丞相。帝疑丞相為天祥。乃召天祥入。諭之曰。汝移所以事宋者。事我當以汝為相矣。天祥曰。天祥為宋宰相。安事二姓。願賜之一死。足矣。帝猶未忍。遽麾之退。左右力贊從其請。帝乃詔有司。殺于燕京柴市。天祥臨刑。殊從容。謂吏卒曰。吾事畢矣。南向再拜。死。年四十七。其衣帶中有贊曰。孔曰。成仁。孟曰。取義。惟其義盡。所以仁至。讀聖賢書。所學何事。而今而後。庶幾無愧。其妻歐陽氏收其屍。面如生。天祥為人。豐下。兩目炯然。博學善論事。作文未嘗起草。尤長於詩。居獄四年。忠義之氣一著於詩歌。累數十百篇。至是兵

天祥從容就死
衣帶中贊

天祥字宋瑞
雁善文
忠義之氣
一著於詩

炯然也

歌

馬司籍所存上之觀者無不流涕悲慟。有得其一履者。亦寶藏之。尋有義士張毅甫者。負其骨歸葬吉州。適家人自廣東奉其母曾夫人之柩。同日至城下。人以為忠孝所感。黃冠稱道上。曰。黃冠方外之士也。從容不迫。免豐下。謂其面方而豐厚也。史臣曰。自古志士欲信大義於天下者。不以成敗利鈍動其心。君子命之曰仁。以其合天理之正。即人心之安爾。宋德祐亡矣。文天祥奉兩孱王。崎嶇嶺海。以圖興復。兵敗身執。終不可屈。而從容伏鑕。就死如歸。是其所誠有甚於生者。許有壬曰。宋養士三百年。得人之盛。軼於漢唐。而過之。及天命已去。文天祥萬變不渝。且就義。光明俊偉。俯視一世。顧嘗敝裸將之士。不知為何物也。宋之亡。守節不屈者有之。未有有徵處士劉因。因容為若天祥者。事固不可以成敗論也。○徵處士劉因。因容城人。天資絕人。日記千百言。過目成誦。初為經學。究訓詁。注釋之說。歎曰。聖人精義。殆不止此。及得周邵程朱之書。

所欲有甚於生
事固不可
以成敗論

卷之

九

靜修

弘吉刺族

擊緬

一見即曰我固謂當有是也及論其學之所長曰邵至大也周至精也程至正也朱子極其大盡其精而貫之以正也愛諸葛孔明靜以脩身之語表所居曰靜脩不忽木薦之詔徵之至擢右贊善大夫尋以繼母老辭歸俸給一無所受○癸未二十年正月立弘吉刺氏為皇后初弘吉刺族從太祖起兵有功尋立其女為后遂與約曰弘吉刺氏生女世以為后生男世尚公主故元世諸后多其族焉尚公主天子之女曰公主娶公主謂之尚言帝王之女尊而尚之不取言娶○三月命高麗王王睹及阿答海發兵擊日本○十一月相答吾兒等擊緬破之西南夷十二部俱降緬後印度緬甸國也○甲申二十一年正月

無赦之國其刑必平

行鈔法

立規措所

群臣上尊號時議欲肆赦張雄飛諫曰古人言無赦之國其刑必平故赦不平之政也聖明之世豈宜數赦遂止音○二月遣王積翁使日本未至舟人殺之○七月詔鎮南王脫歡假道安南擊占城安南今安南國漢曰交趾占城在安南南○十一月詔右丞盧世榮行鈔法世榮入中書自謂其生財有法用其法當賦倍增而民不擾翰林學士董文用曰牧羊者歲兩剪其毛今牧人日剪以獻主者固悅其得毛之多然羊無以避寒熱既死且盡毛又可得乎民財有限右丞將盡取之得無有日剪其毛之患乎世榮不能對鈔法鈔楮貨名○乙酉二十二年二月立規措所又立真定路宣慰司兼都

鈔音業也鈔又作抄楷貨名

綱目卷之九

轉運司領課程事皆從盧世榮請規措所規畫措置錢穀也所司官吏以善賈為之課程課稅也唐書職官志曰凡賦人之制有四一曰租二曰調三曰役四曰課程限量也○十一月

盧世榮伏誅監察御史陳天祥上疏言世榮恣行苛刻為

民擾且犯賊罪帝親鞫之苛刻苛政一一款服遂命誅之煩也刻法

皆曰賊鞫之窮理罪人也款服款誠也○十二月太子真

金卒太子仁孝恭儉尤優禮大臣在中書日久明於聽斷

四方科徵輓漕造作和市有係民之休戚者多奏罷之中

外歸心焉江南行省以歲課羨鈔四十七萬貫來獻太子

怒曰朝廷但令汝等安百姓百姓安錢糧何患不足百姓

不安錢糧雖多能自奉乎盡卻之時帝春秋高南臺御史

真金卻獻

罷日本之兵

上書請內禪太子聞之懼臺臣不敢聞而阿合馬之黨答

即古阿散等請收百司吏案鈎考天下錢穀欲因以發之

都事尚文曰是欲上危太子下陷大臣其謀姦矣遂先入

言之以奪其謀太子益憂懼不自安尋卒年四十三羨鈔

也言州縣費用所餘之鈔鈎考集覽鈎勘也考稽也○丙戌二十三年正月詔罷征

日本先是帝憤日本襲殺島中軍命高麗王曠及阿答海

領征東行省率師往擊之詔各路拘集水手及造戰艦民

不勝厭苦中丞崔或昂吉兒等諫之皆不從期以是年三

月以次而發八月會於合浦有司徵斂大為姦利東部尚

書劉宣上書言近議再興日本之兵此役不息安危所係

帝討日本同諸將
所獲其民居日本
故欲觀其民俗
嗚呼不知父子之
上禮也其人多水
耕妻之利得其人
殺得也其不加官
師渡海其民期
謂勿學帝德也

近征占城交趾三數年間東民大擾盜賊蠭興且交趾小
邦親主提兵深入無功反殪大將况日本海洋萬里非二
國比萬一不利援兵安能飛渡耶帝納其言遂下詔罷之
蠭興韻會通作巢爾雅巢毛刺也注即蠶也次穀子曰刺
端今岐者蠶如刺針者刺蠶似鼠性獐鈍物少犯近則毛
刺攢起如天海洋洋瀾也瀾大波也○三月遣侍御史程
文海訪求江南人才帝素聞趙孟頫等二十餘人帝皆擢
致此二人文海復薦宋宗室趙孟頫等二十餘人帝皆擢
用之雲間張氏曰文海薦宋宗室趙孟頫帝擢用之嗚呼
春秋於父兄之讎則曰不共戴天今宋與元正不共
戴天之讎也孟頫仕元其無恥孰甚焉昔者王珪魏徵不
死建成之難君子非之若孟頫之事其天屬人合又王魏
之不同者也孟頫字子昂雖書畫精絕惡可取○四月江南兵起廣東民董賢舉

趙孟頫王魏之不同

設儒學提舉司

召謝枋得不至

浙江民楊鎮龍柳世英循州民鐘明亮各擁眾萬餘相繼而起○丁亥二十四年設江南各路儒學提舉司又諸道各置提舉司設提舉儒學二人統諸路府州縣學祭祀錢糧之事○戊子二十五年四月徵宋江西招諭使知信州謝枋得辭不至初枋得遁入建陽時程文海至江南訪求人才薦宋遺士三十人枋得亦在列枋得方居母喪遺書文海曰某所以不死者以九十三歲之母在耳先妣以今年二月考終某自今無意人間事矣亡國之大夫不可與圖存李左車猶能言之况稍知詩書頗識義理者乎某之至愚極闇決不可以辱召命亦明矣既而留夢炎亦力薦

置徵理司

之枋得復遺書夢炎辯論凡數千百言卒不行建陽府

建陽縣先妣生曰母死曰妣考終帥古曰考老也言得壽考終其天命也李左車韓信欲擊趙廣武君李左車為趙王歌及陳餘謀取信等之策不用信乃引兵大破趙軍斬餘禽歌信令軍中購廣武君千金而獲之信解其縛帥事之問計廣武君謝曰臣聞敗軍之將不可以言勇亡國之大夫不可以圖存今臣敗亡之虜何足以權大事乎

十月置徵理司遣使鈎考諸路錢穀初尚書平章政事桑哥摘委六部鈎考百司倉庫財穀復以不專其任遂置徵理司以主之行臺侍御史程文海入朝言天子之職莫大於擇相宰相之職莫大於進賢宰相不以進賢為急而惟以貨殖為心立尚書省鈎考錢穀以割剝生民為務所委任者率皆貪饕邀利之人江南盜賊竊發良以此也臣竊

故宋恭宗學佛吐蕃

謝枋得死節

以為宜清尚書之政損行省之權罷言利之官行恤民之事桑哥大怒留京師不遣奏請殺之者六帝皆不允摘委摘手

取也又猶擢委任也言拔擢人而委任之貪饕饕音滔貪財也

吐蕃 黑音顯宋恭宗降於元降 ○已丑二十六年四月福建參知政事魏天祐執謝枋得至燕不屈死之初天祐見時方求才欲薦枋得為功誘枋得入城與之言坐而不對或嫚言無禮天祐不能堪乃讓曰封疆之臣當死封疆安仁之敗何不死枋得曰程嬰公孫杵臼二人皆忠於趙一存孤一死節一死於十五年之前一死於十五年之後萬世之後不失為忠臣王莽篡漢龔勝餓死亦不失為忠臣

續通志卷之二十一

指同橫陸祭為廢橫
君廟用軸橫軸極至事
橫猶也亦木于軸三四而至
千相上以泥塗三此橫千似形

隋峭也

貴富賤貧
一不勤其
中

司馬子長云死有重於泰山輕於鴻毛參政豈足知此天
祐怒逼之北行枋得以死自誓不食二十餘日不死乃復
食惟茹少蔬果積數月困殆四月朔至燕問太后橫所及
瀛國所在再拜慟哭疾甚留夢炎使醫持藥雜米飲進之
枋得怒擲之於地不食五日死子定之護骸骨歸葬信州
枋得天資嚴厲雅負奇氣風岸孤峭不能與世軒輊每論
樂毅申包胥張良諸葛亮事若有千古之憤者而以植世
教立民彝為任貴富賤貧一不勤其中初枋得之北行也
為詩別其門人故友時以為讀其辭見其心慷慨激烈真
可以頑夫廉懦夫立

讓責也程嬰公孫杵臼晉屠岸賈攻
殺趙朔滅其族朔客公孫杵臼與朔

博浪伏橋
之志
恥食周粟
之心

友程嬰謀曰立孤與死孰難嬰曰死易立孤難杵臼曰
子疆為難者吾為其易者乃取他人兒為趙氏孤負之匿
山中則出謬告之賈殺杵臼與兒於是嬰擁趙氏孤匿山
中居十五年趙氏孤名武以實告景公景公召武嬰攻賈
滅其族與武田邑如故嬰曰昔下宮之難我非不能死我
思立趙氏後今武既立為成人我將下報趙朔與杵臼武
泣固山嬰曰彼以我為能成事故先我死今我不報是以
我事為不成遂自殺龔勝字君實仕漢為光祿大夫平莽
篡立遣使召勝勝曰吾受漢家厚恩亡以報今老且暮入
地詎豈以一身事二姓下見故主哉語畢不食而死司馬
子長云司馬遷報任安書人固有一死或重於泰山或
輕於鴻毛橫謂殞也枋得北行之前五年謝太后卒
於燕瀛國瀛國公趙昱也軒輊音至車前頭曰輊後輊
曰軒後漢馬援傳居前不能令人輊居後不能令人軒言
無所輕重也靜軒周氏曰枋得之死或以不速為嫌當時
魏天祐亦以安仁之敗何不死為責是皆未合於義之論
也方其安仁之戰雖無成功是即張良博浪豫讓伏橋之
志也至燕不屈絕食而死是即夷齊恥食周粟之心耳

○以中書右丞相伯顏知樞密院事將兵鎮和林和林統

續一八史綱目卷之二

十一

河北地大震

有漠北諸路置知院自伯顏始○帝幸太聖壽萬安寺詔
 天下梵寺所貯藏經集僧誦之仍給所費歲為例○庚寅
 二十七年四月河北十七郡蝗八月朔日食地大震武平
 尤甚地陷黑沙水涌出壞官署四百八十間民居不可勝
 計歷溺死傷者數十萬人帝深憂之乃召集賢翰林兩院
 官詢致災之由議者畏桑哥莫敢指切時政時桑哥理算
 天下錢穀民不聊生集賢學士趙孟頫入奏於帝謂須下
 詔蠲除庶幾木變可弭帝從之詔草已具桑哥怒曰此必
 非帝意孟頫曰凡錢穀未徵者其人死亡已盡非及是時
 除免之他日言事者儻以失陷歸咎尚書豈不為丞相深

江南大水

累耶桑哥悟遂赦天下官署官舍曰署不聊生聊頹也蠲除蠲占玄切除免也○大
 水江南民流者四十五萬餘人凡發粟五十八萬賑之○
 辛卯二十八年正月桑哥以罪免以桑哥鈎考錢穀故中
 外騷動趙孟頫謂奉御徹里曰桑哥罪惡甚矣我等不言
 他日何以辭其責公為上所親信捐一且之命為萬姓除
 殘賊仁者事也徹里乘間言之詞語激烈帝怒謂其毀詆
 大臣命衛士批其頰血湧口鼻委頓地上少間復呼而問
 之辨愈力曰臣與桑哥無讐所以力數其罪而不顧身者
 為國家計耳苟畏聖怒而不言則姦臣何時除民害何時
 息帝大悟召翰林學士兼旨不忽木問之對曰桑哥壅蔽

劉因不召之臣

擊瓜哇

聰明紊亂朝政有言者即誣殺之今百姓失業盜賊蜂起
 召亂在且夕非亟誅之恐為陛下憂時廷臣言者益眾遂
 詔臺省相與辨駁之桑哥辭屈遂免桑哥官籍其家得珍
 寶如內藏之半尋伏誅批其頰批手擊也頰面旁也委頰
 徐鉉曰委从禾垂穗穀名頰疆也
蜂起集覽言盜賊眾多如蜂之飛起也辨駁正字通論列
 是非謂之駁籍其家凡罪人家財書其名物於籍而入于
 官也丙藏宋史內藏庫掌受藏計之余積以待邦國非常之用
 ○二月罷徵理司詔下之日百
 姓相慶○復徵劉因為集賢學士辭不至因以疾固辭帝
 聞之曰古有所謂不召之臣其斯人之徒歟遂不强致之
不召之臣見孟
 子公孫刃篇
 ○壬辰二十九年二月以亦黑迷失史弼
 高興並福建行省平章政事將兵擊瓜哇瓜哇安南國
 南海中島夷

六月安南遣使入貢初帝詔鎮南王脫觀等屢擊安南無
 功而還帝怒欲再伐之適其王陳日烜死子日燭襲位不
 忽求曰彼山海小夷以天威臨之寧不震懼獸窮則噬勢
 使之然今若遣使諭之彼宜無不奉命遂以禮部尚書張
 立道嘗使安南有功復使往立道至安南諭之日燭乃遣
 其臣何惟巖阮隨立道上表謝罪修歲貢之禮如初且言
 所以願朝之意時有忌立道之功者言必先朝而後可赦
 日燭懼卒不至烜况遠切燭祖悶切襲位集覽襲因也子
 孫因祖父之爵土而有之也謝罪正字通
自以為謝
 ○癸巳三十年正月始置社稷至元初已詔歲祀
 然未立壇壝至是始用崔或言置之社稷社禮郊特牲社
 祭土而主陰氣也天

始置社稷

續通志卷之二

處士劉因卒

子大社必受霜露風雨以達天地之氣也稷字典神名風俗通稷五穀之長五穀衆多故立稷而祭之壇墮說文壇祭場也築土為壇除地為墮韻會墮土墜也起土為埴低垣用統者為墮

不妄交家雖甚貧非其義一介不取隱居教授弟子造其門者隨材器教之皆有成就一介不取孟子曰伊尹非其義也非其道也一介不以與

入一介不以取諸人注介與草芥之芥同言其辞受取與無大無細以道義而不苟也○六月詔皇

泊顏兩字箴

孫鐵木耳撫軍北邊召伯顏還以王昔帖木兒代之伯顏授以印而行皇孫舉酒餞之曰公去何以教我伯顏舉所

不勿水銷變之對

酌酒曰可慎者惟此與女色耳○十月彗出紫微垣帝憂之夜召不忽木問所以銷天變之道不忽木曰風雨自天而至人則棟宇以待之江河為地之限人則舟楫以通之

天地有所不能者人則為之此人所以與天地參也且父母怒人子不敢疾怨起敬起孝故易曰君子以恐懼修省

詩曰敬天之怒三代聖主克謹天誠鮮有不終漢文之世同日山崩者二十有九日食地震頻歲有之善用此道天

亦悔禍海內又安此前代之龜鑑也願陛下法之帝悚然曰此言深合朕意遂論說至四鼓乃罷易曰易震卦海雷震君子以恐懼修省

在位三十五年改元者二曰中統至元壽八十葬起輦谷省詩曰詩大雅板之篇敬天之怒無敢戲豫龜鑑久也○甲子三十一年正月帝崩

皇孫鐵木耳即位于上都是為成宗皇帝起輦谷在漠北不加築為陵諸

不以漢人為相不置諫官

帝皆從葬於是云梁寅曰元之有天下殊方絕域靡不臣服輿圖之廣亘古所無然世祖之約不以漢人為相故為

續通志卷之二十一

卷之...

相皆國一族而又不置諫官使忠直路塞文學之士雖世世不之而沉於下僚莫究其用所賴以為用者唯吏師而已其為法如是是以朝皆苟且之政而下無謬謬之風官有貪婪之實而吏多欺誑之文將永保萬邦比隆三代無未之乎

成宗皇帝名鐵木耳世祖之孫太子真金第三子也世祖崩皇孫自軍中來奔喪在于上都宗室諸王會焉定策之際親王有違言者王昔帖木兒曰宮車晏駕神器不可久虛且昔太子寶既有所歸晉王宗盟之長何俟而不言伯顏亦握劍立殿階宣揚顧命述所以立皇孫之意辭色俱厲諸王皆股栗趨殿下拜皇孫遂即位太叔追尊考曰祐宗皇帝定策立儲君定天子之位曰定策宮車晏駕君崩曰晏駕神器天子位也師古曰天下者神明之器

宋使臣家鉉翁

也顧命鄭玄曰顧回首視之也臨死曰顧而發命股栗股足也恐懼之兒○賜宋使臣家鉉翁

號處士遣還鄉初世祖欲官鉉翁不受遂安置河間以春秋教授弟子數為諸生談及宋興亡之故輒流涕太息至是年逾八十諭賜號處士放還鄉里錫予金幣皆不受尋卒

伯顏卒伯顏深沉有謀畧善斷將二十萬衆伐宋如將一人諸將仰之若神明還朝未嘗言功卒贈太師謚忠武○

乙未元貞元年二月翰林學士兼旨留夢炎致仕初世祖問夢炎葉李優劣於趙孟頫對曰夢炎臣之父執其人重厚篤於自信好謀能斷有大臣器葉李所讀之書臣皆讀

續通志卷之...

李賢於夢

書子之歌曰民

李元禮諫
太后幸五
臺山

之所知所能臣皆知之能之世祖曰汝以夢炎優於李邪
 夢炎為宋狀元至宰相當賈似道誤國依阿取容李以布
 衣乃伏闕上書是賢於夢炎也父執與父同志之友也狀元及第登甲科曰狀元
 ○六月陝西旱饑行省右丞許宸議發廩賑之同列以未
 經奏請不可宸曰民為邦本今饑餓若此若俟命下無及
 矣擅發之罪吾當任之遂發粟賑貸命亦尋下賑給也通作振振極
 也○丁酉太德元年正月太后幸五臺山初太后建寺於
 五臺山至是成太后將臨幸之監察御史李元禮上疏諫
 之臺臣不敢以聞後侍御史萬僧與中丞崔或有隙取元
 禮章封入奏之曰崔中丞私比漢人李御史為太言謗佛

言者惟一
元禮

寧一山使
日本

謂不宜建寺帝怒勅完澤不忽木鞫之完澤曰往吾亦嘗
 以此諫太后曰我非喜建此寺蓋先帝嘗許為之非汝所
 知也不忽木曰他御史懼不敢言言者惟一元禮可賞也
 完澤等入言之帝沉思良久曰御史言是也乃罷萬僧復
 元禮職五臺山在山西太原府五臺縣鞫音菊推窮罪人也○以吳元珪為吏部尚
 書時選曹銓注多私其鄉人者元珪曰此風不可長自視
 事請謁悉皆謝絕選曹掌選舉官曹請謁請託謁見○二年罷中外土木
 之役丞相完澤言歲入之數不償所費因以節用遂有是
 命○詔定歲課三十取一○己亥三年三月命江浙釋教
 總統僧寧一山使日本初世祖以兵數敗斂其不可力取

續通志卷之二

廿九

定律令

置徽政院長其財賦院官有文獻所西四百兩者信民

更遣補陀禪僧如智及王積翁等往諭皆不達世祖不遂其志而崩至是帝欲成世祖遺意既復征東行中書省命僧一山齋詔書往日本一山留不復命日本亦竟不至按一山至日本乞歸化執權北條氏捕之流伊豆後赦為南禪寺住持帝諭何榮祖曰律令良法也宜早定之既而書成上之且言臣所擇者三百八十條一條有該三四事者帝曰古今異宜不必相沿詔元老大臣聚聽之未及頒行而榮祖卒○庚子四年二月太后弘吉刺氏崩后有賢德事昭睿順聖皇后執婦道甚謹及尊為太后后之弟欲因后求官后拒之曰勿以累我也崩謚徽仁祐聖皇后○五月昭文館大學士平章軍國事

恨卿生晚

擊西南夷八百息婦

不忽木卒初世祖每聞不忽木之言必嘆曰恨卿生晚不得早聞此言然亦吾子孫之福臨終以白壁遺之曰他日持此以見朕也不忽木雖歷顯要而家素貧卒無以葬賜鈔賻之贈魯國公謚文貞賻音扶以財助喪也○十二月命雲南行省左丞劉深及哈刺帶等將兵二萬擊西南夷八百媳婦左丞相哈刺哈孫及御史中丞董士選等諫之不聽哈切○辛丑五年五月劉深兵次順元遠冒烟瘴未戰士卒死者已什七八驅民轉餉一夫負粟八斗數十日乃達死者亦無算中外騷然蠻酋宋隆濟蛇節等遂連兵反進攻貴州圍深窮谷中帝始悔不用董士選等之言乃遣劉國傑

右丞相劉深因雲南行省左丞劉深之言劉深擊西南夷八百媳婦

及揚賽等率兵分道進討之隆濟累攻圍貴州不解劉深糧盡道梗不通遂引兵還隆濟復率眾邀之輜重委棄士卒殺傷殆盡烟瘴烟與烟同火氣也瘴癘也癘疫氣也餉饋也正字通今俗軍糧曰餉西音四魁帥之稱賽音塞梗塞也梗透也輜重輜謂衣車重謂載重故行者之資總曰輜重委棄置也○壬寅六年

三月西南夷烏撒烏蒙東川叅部及武定威楚普安諸蠻回蛇節之亂皆以供輸煩勞為辭俱叛遣陝西行省平章政事也速得等討平之解多改切○癸卯七年二月汰諸司冗

員定中書省自左右丞相而下平章政事二員左右丞各一員參知政事二員定為八府汰去砂石曰汰以水為諭也冗員冗判也謂無事備員○三月劉國傑敗宋隆濟及蛇節擒斬之餘黨悉平○

八府

巡行天下

遣使巡行天下罷贓汚官吏萬八千四百七十二人審冤獄五千百七十六事○蘭谿處士金履祥卒履祥從學同郡王柏及何基之門二人蓋得朱熹之傳者宋將亡遂絕意進取屍居金華山中嘗作通鑑前編居仁山之下學者

仁山先生

因稱為仁山先生至正中賜謚文正蘭谿今浙江金華府蘭谿縣○八月地震平陽太原尤甚壞廬舍萬八百區壓死不可勝計詔問致災之由齊履謙言地為陰而主靜妻道臣道子道也三者失其道則地為之不寧時帝寢疾宰臣及中官專政故履謙言及之而集賢大學士陳天祥亦上書極陳時政之弊言尤切直執政者惡之抑不以聞天祥自被召起

兩斧伐孤樹

番僧外國之僧也

特即律加身持也持頭髮也

帝比昵番僧

殿阿沙不花見帝顏色日悴乃進曰八珍之味不知御萬金之身不知愛惟麴蘖是好姬嬪是耽是猶兩斧伐孤樹未有不顛休帝喜曰非卿孰為朕言因命進酒又頓首曰臣方欲陛下節飲而反勸之是臣之言不信於陛下也臣不敢奉詔左右皆賀帝得直臣遂拜右相八珍食之美者亦曰珍周禮天官珍用八物謂淳熬淳母炮豚炮脾擣珍漬熬肝膋也麴蘖音菊麴水字蘖音蘖牙米也作酒者麴多則太苦蘖多則太甘麴蘖得中然後成商書若作酒醴爾惟麴蘖首拜頭叩地也陛下天子必有近臣執兵立於陛側以戒不虞群臣與天子言不指斥故因帝比昵番僧愛之其在陛下者而告之因卑達尊之意

○帝比昵番僧愛之其在陛下者而告之因卑達尊之意

在上都者疆市民訴于留守李璧璧方詢其由僧已率其黨持挺突入公府碎壁捶擊拽歸閉諸空室久乃得

拉左氏裏公使彭生拉根桓

李孟

脫奔訴于朝僧遇赦免又其徒與諸王妃爭道拉妃歐之語侵帝事聞亦釋不問時宣政院方奉旨言歐西僧者斷其手詈者截其舌皇太子聞之亟上言此法昔所未有遂寢其令○庚戌三年正月徵李孟為平章政事同知樞密院事李孟愛育黎拔力八達之傳也愛育黎拔力八達至大都平內難歸上都遣使北迎武宗遂自監國俾李孟參知政事孟曰執政大臣當自天子親用今鑿與在道孟未見顏色誠不敢冒大任固辭勿許遂逃去不知所之初孟既逃去有譖於帝者曰內難初定時孟嘗勸皇太子自取帝弗之信一日太子侍內宴忽戚然改容帝曰吾弟何不樂太子從容起謝曰賴天地祖宗神靈神器有歸然成今日母子兄弟之權者李道復之功居多適思之不自

續通志卷之二

泛溢也

知其變於色也。帝即命搜訪之，得於許昌。陜山召見，於是
有此命。許昌今河南開封府許州。陜音刑。○辛亥四年正月，帝崩在位四
年，改元者一。曰至大，壽三十。帝慨然欲創治，改法而有為，
故其封爵太濫，賜賚太泛。至元大德之政，於是稍有變更。
皇太子愛育黎拔力八達即位，是為仁宗皇帝。

誅奸召賢

仁宗皇帝名愛育黎拔力八達，武宗同母弟也。武宗崩，皇
太子罷尚書省，以變亂舊章，流毒百姓，誅右丞相脫虎脫，
平章政事三寶奴樂實，右丞保八參知政事王巖流，左丞
忙哥鐵木兒于海南黨附之徒，亦多行罷黜。召先朝諳知
政務老臣十五人，詣闕同議庶政，遂即位。太叔初帝在東

帝王曆數
自有天命

宮李邦寧知丞相脫虎脫等畏帝英明，乘間言於武宗曰：
陛下富于春秋，皇子漸長，父作子述，古之道也。未聞有子
而立弟者。武宗不悅，曰：朕志已定，汝自往東宮言之。邦寧
漸懼而退。及帝即位，左右咸請誅之。帝曰：帝王曆數自有
天命，其言何足介懷。東宮太子曰東宮，震為長子，東屬震故立宮，東方曰東宮也。富于春秋師古曰：言年幼也。曆數帝王相繼之次第，介懷介繫也。○閏七月，賜李孟爵秦國公。孟
感帝知遇，頗以國事為己任。見當時賜予太廣，名爵太濫，
風俗太僭，每勸帝言：人君之柄在刑與賞，刑不足懲，賞不
足勸，何以為治？帝在懷州，深見吏弊，既即位，欲痛剷除之。
孟曰：吏亦當有賢者，在激厲之而已。帝曰：卿儒者，宜與此

續通志卷之二十一

十五

李孟長者之言

曹氣類不合而曲為保護如此真長者之言也孟嘗因問乞解罷政權帝曰朕在位必卿在中書朕與卿相與終始

自今其勿復言名爵左傳仲尼曰唯器與名不可以假於人注器車服名爵號別也○帝

諭中書省臣曰人言御史臺任重朕謂國史院尤重蓋御

國史萬世公論

史臺是一時公論國史院是萬世公論○時朝廷封拜繁多群臣無功而受王公之爵者前後相繼於是誠左右勤

重名爵

職業勿妄僥倖加官御史中丞郝天挺言春秋云服之不

表身之災也是以朝廷名器重則斗升之祿足以鼓舞豪

傑名器濫則雖曰拜卿相而人不動矣又曰屢遷屢易者奔走往來之不暇何暇宣風布化參理機務哉乞自今惟

宣風教也

十賢從祀

大臣可急闕選授其餘內外大小官屬必候任滿方許超

遷庶免朝除夕改啓倖長奸之弊春秋云在左傳僖公十五年東適也名器與名

初行科舉

邵雍司馬光朱熹張栻呂祖謙許衡並從祀孔子廟庭○

李孟言貴賤有章所以定民志賜予有節所以勸臣下請

各為之限制帝從之○十一月初詔行科舉世祖時議科

舉新制未及行至是省臣復以為言乃命定其條制詔天

下三歲一開科蒙古人與漢人各命題蒙古人願試漢人

續通志卷之二十一

科目中選者加一等注授翌年三月進士護都沓兒張起

嚴等五十六人及第出身及第出身選舉志曰其考第之制凡五等學識優長詞理精純

為第一才思該通文理周率為第二文理俱通為第三文理中平為第四文理疎淺為第五上二等曰及第三等曰出身四等五等曰同出身

○京師大旱疫帝問弭災之道翰林學士程鉅夫舉湯禱桑林事以對帝嘆曰此實朕之責也赤子何

罪罪音米○甲寅延祐元年十二月帝以士民靡麗相尚

官民車服等第山移

僭禮費財命中書省定官民車服等第○詔吏坐贓罪者

黥其面黥巨京切○乙卯二年五月疾風電雹成紀縣北

山南移至西河川次日再移平地突出土阜高者二三丈

陷沒民居成紀縣今陝西鞏昌府秦州○立武宗子和世珠為周王出

鎮雲南初武宗既立帝為太子後丞相三寶奴復勸立和

世珠召康里脫脫言之脫脫曰太弟曩定宗社居東宮已

兩宮謂仁宗在母

久兄弟叔姪世世相兼孰敢紊其序乎三寶奴曰今日兄已授弟異日能保叔授其姪乎脫脫曰在我不可渝彼失其信天實鑒之至是議立太子丞相鐵木迭兒欲微寵請立皇子碩德八剌又與太后幸臣失烈門譖王於兩宮遂

封為周王球音臘○丙辰三年三月太史令郭守敬

郭守敬天文水利

卒守敬長於天文水利太史令王恂以學自負每見守敬

制度精巧深歎服之自負負恃也獨善自負王琿曰自來

矣守敬獨能任其絕學度○十月以趙孟頫為翰林學士

兼旨帝在東宮素知其名及即位召除集賢侍講學士至

是拜翰林學士兼旨有間之者言國史不宜令孟頫與帝

宋史紀事本末卷之二十一

曰子昂世祖所簡拔置之館閣使曲速作傳之後世此屬

奴何也復厚賜之間之非謗也 奴音銳謹也廣義曰

不足言矣若其脩史至張弘範龔厓山之且其視陸秀夫

愧子昂於千古

張世傑為如何人矣嗚呼悲哉綱目記其時月而大書之

者愧子昂也○十一月和世球次延安其臣禿忽魯及武宗

舊臣教化等謀曰天下者我武宗之天下也王之出鎮本

非上意由讒構致然請聞之朝廷庶可杜塞離間遂與陝

西丞相阿思罕平章塔察兒西臺大夫脫里伯中丞脫歡

和世球走莫北

發關中兵分道自潼關河中府入已而答察兒背約襲殺

阿思罕教化和世球乃走漠北說構讒崇飾惡言毀善害

本紀正順德刺力莫子

會以成之曰構

能也構當从木構字典附

丁巳四年六月右丞相鐵木迭兒恃勢貪虐兇穢滋甚中

外切齒平章政事蕭拜住稍牽制之中丞楊朵兒只及內

外御史凡四十餘人共劾其桀黠姦貪欺上罔下誤國之

罪又在桑哥阿合馬之上四海嫉憤咸願車裂斬首以快

人心奏上帝震怒鐵木迭兒懼逃匿太后宮帝不忍傷太

后意但罷其相位切齒切相摩也相摩齒怒甚兇劾推窮

罪也桀黠桀磔也周禮古人稱桀黠者

其凶暴若磔也車裂網鑑注謂以四体及首繫

於五馬鞭之使奔走裂其屍又以車曳裂其体也

○七月帝出見衛士有弊衣者駐馬問之對曰戍守邊鎮踰十五年

以故貧耳帝曰彼久勞於外留守臣未嘗以聞非朕親見

何由知之因命賜之錢帛○帝問左丞相阿散曰卿等日

高貴一人...

十八

法者辨上下定民志

所行者何事對曰奉行詔旨而已帝曰卿等何嘗奉行朕旨雖祖宗遺訓朝廷法令皆不遵守夫法者所以辨上下定民志自古未有法不立而天下治者使人君制法宰相能守法則民知畏避免於刑戮若法弛民慢怨言並興求治難矣○戊午五年二月寫金字佛經共糜金三千九百兩○糜爛也○己未六年四月鐵木迭兒家居未逾年復黃緣起為太子太師中外聞之莫不驚駭時御史中丞趙世延論其不法數十事并內外臺臣劾其不可輔導東宮者四十餘人然以太后之故皆不聽○黃音寅進也方語因賄于進曰黃緣○十二月詔太子參決朝政

聖德曰詔是陛下所為也
 若用以進其臣所未諭也
 聖德曰同日何庸為也
 自國初以來凡詔進退萬民
 已從是詔其祖為解又解
 子可以示後也

月魯帖木兒論太上皇

今太子且長可居大位朕欲為太上皇與若等游觀西山以終天年群臣皆稱善右司郎中月魯帖木兒曰臣聞昔所謂太上皇者唐玄宗宋徽宗皆當禍亂不得已而為之願陛下正大位保無疆之業前代虛名何足慕哉帝乃止

太上皇師古曰太上極尊之稱皇君也天子之父故號曰皇不預治國不欲言帝也唐玄宗天寶十五年安祿山反上出奔次馬嵬欲傳位太子至平涼杜鴻漸迎入太子于靈武請尊馬嵬之命乃即位尊上為上皇天帝上皇遂至蜀宋徽宗金兵至都時中祖建出奔之策而已○庚申七月上內禪太子即位尊上為教主道君太上皇帝

年正月帝崩在位九年改元者二曰皇慶延祐壽三十六帝天性恭儉通達儒術兼曉釋典不事游畋不喜征伐不崇貨利事皇太后終身不違顏色待宗戚勳舊始終以禮

帝一遵世祖成憲

有司奏大辟每慘惻移時其孜孜為治一遵世祖成憲釋釋迦之釋也今僧家皆稱釋氏釋典釋氏之典籍也或取禽獸也皇太子碩德八刺立是為英宗皇帝

英宗皇帝名碩德八刺仁宗嫡子也仁宗崩方四日太后

以鐵木迭兒為右丞相鐵木迭兒以蕭拜住及楊朶兒只

嘗攻其奸惡欲報之召二人罪以違太后意殺之又以李

孟初不附已讒構盡奪其前後封爵又怨上都留守賀勝

嘗發冤獄殺之籍其家日思報復仇怨誅戮不已帝不能

制加之太師尋詔中外毋沮議之參議省事乞失監有

法者天下之公

罪應杖太后欲笞之帝曰不可法者天下之公徇私而輕

却七寶帶

重之非所以正天下也○四月有獻七寶帶者因近臣以

進帝曰朕登大位不聞卿等進賢而為人獻寶帶是以利

始服哀冕

誘朕也其還之七寶金銀琉璃車○十一月帝始服哀冕

享太廟

享太廟四時親享歲以為常禮畢還宮鼓吹交作萬姓聳

觀百年廢典一旦復見至有感泣者哀冕天子衣裳畫

龍首卷然謂之哀也冕黃帝初作冕前有垂旒示不

罷元夕張燈禁中

視邪也旁有黠橫示不聽讒也後仰前俯主於恭也○辛酉至治元年正月帝欲以元夕張燈宮中為鰲山時居先

帝喪參議中書省事張養浩上疏諫帝大怒既而曰非張

希孟不敢言即命罷之賜養浩金帛以旌其直元夕正月十五夜也

張燈史記樂書漢家祀太以昏時祀到明今人正月望日夜游觀燈是其遺事也鰲山燈山也結五絲為之

倭佛殺諫臣

二月勅建西山佛寺甚亟御史觀音保等以歲饑且東作
 方興上章極諫帝怒殺之又作壽安山寺佛像置中瑞司
 領之治銅五十萬斤時復遣帝師往西番受戒賜金十兩
 銀四十餘兩鈔幣鉅萬東作謂春耕也治音野鎔也鑄也○四月遣武宗
 子圖帖睦爾于瓊州時鐵木迭兒懷私固寵構累骨肉諸
 王大臣莫不自危釁虛振切瑕隙也○壬戌二年正月勅有司卹
 孔氏子孫貧乏者○八月鐵木迭兒卒帝覺恃其權寵衆
 間肆毒漸疎外之乃任拜住委以心腹鐵木迭兒因稱疾
 不出遂怏怏卒於家怏怏與鞅通志不滿也○十月以拜住為右丞相
 相帝嘗語拜住曰朕委卿以大任以乃祖木華黎佐太祖

卹孔氏子孫

拜住三畏

安童相世祖卿念祖宗令聞豈有不盡心者乎拜住再拜
 曰陛下委臣以大任臣有所畏者三畏辱祖宗畏天下事
 大識見有未盡畏年少不克負荷無以報聖恩惟陛下時
 加訓飭幸甚○癸亥三年正月起王約吳元珪韓從益高
 議中書省事吳澄為翰林直學士時約等以年老致仕丞
 相拜住一新政務尊禮老臣傳詔復起約等俾以其祿家
 居每日一至中書省議事至治之政多所參酌澄延祐初
 詔起為集賢直學士以疾不果行至是以拜住薦起為翰
 林直學士澄撫州崇仁人經學通貫用力聖賢之學左丞
 董士選延之家親執饋食曰吳先生天下士也澄嘗為學

拜住尊禮老臣

吳澄辭序
藏經

者言朱子於道問學之功居多而陸子靜以尊德性為主
 問學不本於德性其弊必偏於言論訓釋故學以德性為
 本道問學中庸君子尊德性而道問學註尊者恭敬○二
 奉持之意德性者吾所受於天之正理道由也
 月帝寫金字藏經使左丞相速速詔吳澄為序澄曰主上寫
 經為民祈福甚盛舉也若用以追薦臣所未諭蓋福田利
 益雖人所樂聞而輪回之說不過謂為善者死則上通高
 明其極品與日月齊光為惡者死則下淪污穢其極下與
 沙蟲同類其徒遂為薦拔之論以惑世人今列聖之神上
 同日月何庸薦拔且自國初以來凡寫經追薦不知其幾
 若未效是無佛法矣若已效是誣其祖矣撰為文辭不可

以示後世遂辭序藏經○三月帝如上都○六月追奪鐵
 木迭兒官爵籍沒其家○八月御史大夫鐵失弑帝于南
 坡及右丞相拜住初鐵木迭兒既奪爵籍產鐵失等以奸
 黨不安上在上都以夜寐不寧命作佛事拜住以國用不
 足諫止之既而懼誅者復陰誘群僧言國當有厄非作佛
 事大赦無以禳之拜住叱曰爾輩不過圖得金帛而已又
 欲庇有罪邪奸黨聞之益懼乃生異謀至是帝自上都南
 還駐蹕南坡是夕鐵失與知樞密院事也先鐵木兒諸王
 按梯末花等謀逆鐵失先殺右丞相拜住而直犯禁幄手
 弑帝於卧所帝時壽三十一在位四年改元者一曰至治

鐵失弑帝

誅鐵失

在京都。名。郎。郎。至也。○九月。帝誅逆賊鐵失等。於燕京。
言所歸至也。要結約也。
 帝既即位。以也先鐵木兒為右丞相。鐵失知樞密院事。諸
 王買奴言於帝曰。不誅元凶。則陛下善名不著。天下後世
 何從而知。帝深然之。於是誅也先鐵木兒等於行在所。命
 旭邁傑。紐澤。入京師。收鐵失及其黨。赤斤鐵木兒等。悉誅
 之。戮其子孫。籍沒其家。流諸王。月魯鐵木兒。按梯不花等。
 于邊地。餘黨俱免官。○十一月。帝至大都。御大明殿。受諸
 王大臣朝賀。追尊考。晉王。為顯宗皇帝。母弘吉刺氏。為皇
 后。封買奴為泰寧王。倒刺沙。左丞相。○甲子。泰定元年。正
 月。召圖帖睦爾于瓊州。○二月。江浙行省左丞趙簡請開

開經筵

經筵。及擇師傅。令太子及諸王大臣子孫受學。章上遂命
 平章政事張瑄。翰林學士兼旨忽都魯都兒迷失。學士吳
 澄。集賢直學士鄧文原。王結等。以帝範資治通鑑。大學衍
 義。貞觀政要等書進講。○立皇子阿速吉八為皇太子。○
 八月。封圖帖睦爾為懷王。徙雲南王王禪為梁王。○乙丑。
 二年。正月。命懷王圖帖睦爾出居建康。
建康。今江
 南。江寧府。
 ○四月。
 參知政事左塔不花言。大臣兼領軍務。前古所無。鐵失以
 御史大夫也。先帖木兒以知樞密院事。皆領衛兵。如虎而
 翼。故成逆謀。乞軍衛之職。勿以大臣領之。庶勳舊之家得
 以保全。從之。
虎而翼。揚子曰。或問酷吏。揚子曰。虎哉。虎哉。
 角而翼者也。注。虎之爪牙。本不可當。又為其

如虎而翼

添翼助強暴者有類如此 ○戊辰致和元年 文宗皇帝圖帖睦爾天曆元年 二月帝如

上都命簽樞密院事燕帖木兒等居守 ○徙懷王圖帖睦

爾于江陵 江陵今湖廣州府江陵縣 ○七月帝崩于上都 在位四年

改元者二曰泰定致和壽三十六 文宗不為立廟謚世止稱為泰定帝王禪曰武

宗以兄弟相及約繼世子孫迭居大位而仁宗惑於儉言不守宿諾傳位英宗乃使武宗二子明宗文宗出居於外

及英宗遇弒而明宗在北文宗在南晉邸乘間入繼大統或謂晉邸非所宜立雖然晉王於世祖孫也於次為長雖

守藩服嘗有盟書今而國統之弗繼則亦所當立者晉王之系將誰屬耶然則謂晉邸非所宜立者亦過也舊傳

英宗之殺晉邸與聞乎故其殺不與請謚升祔之典明其為賊也然考之實錄皆不得其實傳聞之謬烏可信哉

皇太子阿速吉八即位于上都 是為天順皇帝

天順皇帝名阿速吉八泰定帝嫡子也帝時年九歲改元

天順 ○八月簽樞密院事燕帖木兒謀逆執中書省御史

臺臣烏伯都刺等下之獄遂遣使迎懷王圖帖睦爾于江

陵 ○遣梁王王禪右丞相塔失帖木兒將兵分道討燕帖

木兒 ○九月懷王圖帖木兒襲皇帝位初燕帖木兒以為

擾攘之際不正大位不足以係天下之志人心向背之機

間不容髮一或失之噬臍無及圖帖睦爾曰必不得已當

明吾志播告中外遂即帝位改元天曆詔曰謹俟大兄之

至以遂固讓之心太赦封燕帖木兒為太平王 ○十月圖

帖睦爾兵陷上都梁王王禪遁走遼王脫脫死之倒刺沙

奉皇帝寶出降帝在位三月不知所終 ○十一月圖帖睦

天順帝不知所終

爾遷泰定皇后弘吉刺氏于東安州。

明宗皇帝名和世球武宗長子也。○己巳天歷二年正月周王

和世球稱帝于和寧之北。初武宗殂弟仁宗立約以次傳于帝延祐三年丞相鐵木迭兒

欲固位取寵乃議立英宗為太子又諸帝於兩宮封帝為周王出鎮雲南逃在漠北逮泰定帝殂文宗遣使迎致帝還至和寧之北遂稱帝

○二月圖帖睦爾立其妃弘吉刺氏為皇后

追尊周王母亦乞烈氏母唐兀氏並為皇后。○三月圖帖

睦爾遣燕帖木兒奉皇帝寶赴漠北。○四月帝遣使立圖

帖睦爾為皇太子。○皇太子發京北迎帝。○七月太白經

天。發明云嗚呼天人相與之際甚可畏也是時圖帖睦爾已畜無兄之心其謀未露而其徵已見天象昭昭特以著其骨肉相殘之慘耳是故唐太宗之殺建成元吉而太白見秦分圖帖睦爾之殺周王而太白經天變不虛生信

太白經天

帝暴殂

哉。○八月帝次于旺忽察都皇太子入見帝暴殂。胡粹中曰聞之

故老言燕帖木兒奉上璽綬明宗從官有不為之禮者燕帖木兒且怒且懼既而帝暴崩燕帖木兒聞哭聲即奔入帳中取寶璽扶文宗上馬南馳水史乃言皇太子入哭盡哀燕帖木兒以皇后命奉皇帝寶璽授太子其說不合豈當時忌諱有下不敢明言之者歟

文宗皇帝名圖帖睦爾武宗次子明宗之弟也。明宗既殂

于旺忽察都帝遂復襲位于上都。太赦。發明云圖帖睦爾篡位之心素心也

其迎兄漢北者姑欲塞人之議耳故行幄一見兄乃暴卒既沒其兄復襲其位則其悖逆之心遂矣此固圖帖睦爾始終之論也

○十二月以西僧輦真吃刺思為帝師。帝師至上

命朝臣一品以下咸郊迎。大臣俯伏進觴。帝師不為動。惟

國子祭酒李木魯翀舉觴立進曰。帝師釋迦之徒。天下僧

李木魯翀

高識

廣善於月內成入見至庚寅王果未則星圖帖睦爾在帳中已百餘矣元三罪矣

高識

三十五

人師也。予孔子之徒。天下儒人師也。請各不為禮帝師。笑而起。舉觴卒飲。眾為之栗然。○庚午。至順元年二月。立明宗子懿璘質班為郟王。郟音○四月。皇后弘吉刺氏與宦者拜住謀殺明宗。皇后八不沙。○閏七月。詔孔子父叔梁紇為啓聖王。母顏氏啓聖王夫人。顏子哀國復聖公。曾子郕國宗聖公。子思沂國述聖公。孟子鄒國亞聖公。程顥豫國公。頤洛國公。○十二月。詔以漢董仲舒從祀孔子廟。位列七十二子下。○帝以燕帖木兒有大功。欲獨相。以尊異之。乃為右丞相。罷置左丞相。知樞密院事。闊徹伯脫脫木兒等十二人。以其權勢崇重。欲謀誅之也。的迷失脫迷以

加先聖父
母諸賢之
爵

董仲舒從
祀孔子

變告。按問。並棄市。籍其家。○湖南嶺北道。經歷范樟。卒。樟清江人。天資穎異。雖癯然。清寒。若不勝衣。而卓然自樹於流俗。表家居。養親固窮。守節。耽詩工文。用力精詣。朝臣薦為翰林編修。秩滿。除海南海北道。廉訪司。照磨。巡歷遐僻。風波瘴癘。無所忌憚。所至興學教民。雪理冤滯。吳澄誌其墓。以為特立獨行之士。可方東漢諸君子。穎木也。銳利。不鈍。兒癯瘠也。○辛未二年六月。翰林學士吳澄卒。澄泰定間。謝病歸臨川。四方從學者。恒數百人。著書至將終。不輟。有易春秋禮記纂言。及校定皇極經世書。大戴禮等書。卒。贈臨川郡公。謚文正。臨川今江西南撫州府。○八月。

范樟可方
東漢諸君
子

吳澄三經
纂言

續... 卷之二

詔皇子古剌答納出居燕帖木兒家更名燕帖古思○十
一月詔養燕帖木兒之子塔刺海為_賜居第_{第宅}賞產_{第宅}
也○壬申三年四月安西王阿難答之子月魯帖木兒謀
不軌事覺其黨皆伏誅○五月帝如上都○八月帝崩于
上都_{在位五年}改元者二曰天曆至順壽二十九皇姪鄭
王懿璘質班立是為寧宗皇帝

寧宗皇帝名懿璘質班明宗次子也文宗崩帝留京師
燕帖木兒請皇后立皇子燕帖古思后不從命立帝年甫
七歲百司庶務咸啓皇后取進止帝在位兩月而崩燕帖
木兒復請立燕帖古思時明宗長子妥懽帖睦爾居廣西

之靜江皇后曰吾子尚幼妥懽帖睦爾今年十三矣且明
宗長子於理當立乃遣右丞闊里吉思往迎妥懽帖睦爾
立是為順帝靜江今王雅曰寧宗立雖皇后權臣利於立幼而文宗顧命重其子而立其子豈不可謂非
桂林府公天下之心也然終不立以獲其親死三聖人心天理吁可畏哉

順帝名妥懽帖睦爾明宗長子也初太祖取西北諸國阿
兒斯蘭率眾來降乃封為郡王明宗居沙漠納其裔孫納
罕祿魯氏女曰邁來的生帝至順初明宗后遇害遂徙之
高麗使居大青島中尋詔天下言明宗在時素謂非其子
移于廣西之靜江至是入承大統○癸酉元統元年三月
燕帖木兒死燕帖木兒自秉權以來肆行無忌一宴或宰
十三馬取泰定后為夫人前後尚宗室女四十人有交禮

三日遽遣歸者。後房无休，不能盡識。一日宴平章政事趙世延宅，男女列坐，見坐偶一婦甚麗，意欲與俱歸。顧左右曰：「此為誰對？」曰：「太師家人也。」自後荒淫日甚，體羸弱，血而死。宰屠也，烹也，主膳宰亦曰庖宰，无休左傳注，充滿，見言其多，弱血，溺小便也。○六月，帝即位，于上都。初，帝至自靜江，百官具鹵簿，迎於良鄉。燕帖木兒既見，並馬徐行，具陳迎立之意。帝幼且畏之，一無所答。燕帖木兒疑其意不可測，故至京久不得立。適太史亦言其立則天下亂，用是議未能決。遷延者數日，至是燕帖木兒死。皇太后乃與大臣定議立之。約後當傳位於燕帖木兒。若武宗仁宗故事。鹵簿，天子儀衛曰鹵簿。良鄉，今直隸順天府良鄉縣。○以伯顏為

雨血 雨毛

太師右丞相撒敦太傅左丞相時有阿魯輝帖木兒者，明宗親臣也。言于帝曰：「天下事重，宜委宰相決之。庶可責其成功。若躬聽斷，必負惡名。」帝然之。由是深居宮中，每事決於宰相。撒音○八月，立皇后伯牙吾氏。后燕帖木兒之女。○十月，封撒敦榮王，唐其勢襲封太平王。唐其勢，燕帖木兒子也。燕帖木兒嘗為太平王。○十一月，封伯顏為秦王。是日秦州山崩，地裂。秦州屬陝西鞏昌府。○甲戌，二年正月，汴梁雨，血著衣皆赤。雨去聲，汴梁今河南開封府。○三月，彰德路天雨毛如線，而綠。民謠云：「天雨線，民起怨中原，地事必變。」彰德路今河南彰德府。○五月，撒敦罷。六月，復以為左丞相。尋卒。○八月，以湖廣河南自三月不雨，至於

政柳林不果

是月及諸路旱蝗民饑大赦天下是日京師地震雞鳴山崩陷為池方百里人死者衆○乙亥三年二月帝將政於柳林御史臺臣諫曰陛下春秋鼎盛宜思文皇付託之重致天下於隆平今赤縣之民供給繁勞農務方興而馳騁冰雪之地倘有銜檠之變奈宗廟社稷何遂止鼎方也赤縣中國曰赤縣神州縣車鈞心也○六月唐其勢反伏誅七月伯顏弒皇后伯牙吾氏時撒敦已死伯顏獨秉政唐其勢忿曰天下本我家天下伯顏何人而位吾上遂與其叔父句容郡王答憐答里潛蓄異心謀立諸王晃火帖木兒鄰王撒撒禿發其謀唐其勢伏兵東郊率勇士突入宮伯顏及完者帖木兒

唐其勢反與伯顏爭立又宗廟相兩朝故曰我家天下

詔罷科舉

等掩捕獲唐其勢及其弟塔刺海誅之答里走晃火帖木兒所阿魯渾察執送上都戮之晃火帖木兒自殺初唐其勢事敗被擒攀折殿檻不肯出塔刺海走匿皇后座下后蔽之以衣左右曳出斬之血濺后衣伯顏奏并執后后呼帝曰陛下救我帝曰汝兄弟為逆豈能相救乃遷出宮伯顏尋殺之於開平民舍我家天下唐其勢父燕帖木兒扶文宗即位故曰我家天下○十一月詔改元統三年為至元元年帝以世祖皇帝在位長久欲祖述之監察御史李好文言年號襲舊於古未聞襲其名而不蹈其實未見有益因言時弊不如至元者十餘事不報祖述中庸仲尼祖述堯舜注述宗其道○詔罷科舉

許有壬諫
罷科舉

初徹里帖木兒為江浙平章會科舉驛請試官供張甚盛
心頗不平及入中書首議罷科舉又欲損太廟四祭為一
於是御史呂思誠等列其罪狀劾之不報皆辭職去時罷
科舉詔已書而未用璽參政許有壬力爭之伯顏怒曰汝
諷臺臣言徹里帖木兒邪有壬曰太師擢徹里帖木兒在
中書御史三十人不畏太師而聽有壬豈有壬權重於太
師邪伯顏意稍解有壬乃曰科舉若罷天下才人缺望伯
顏曰舉子多以賊敗有壬曰科舉未行時臺中賊罰無算
豈盡出於舉子伯顏曰舉子中可任用者惟參政爾有壬
曰若張夢臣馬伯庸輩皆可任大事如歐陽玄之文章亦

缺望怨望也

過橋拆橋

豈易及伯顏曰科舉雖罷士之欲求美衣食者自能向學
有任曰為士者初不事衣食伯顏曰科舉取人實妨選法
有任曰今通事知印等天下凡二千二百餘名今歲自四
月至九月白身補官受宣者亦且七十三人而科舉一歲
僅三十餘人科舉於選法果相妨乎不也伯顏心然其言
而議已定不可中輟乃溫言慰解之翊日宣詔特令有壬
為班首以折辱之治書侍御史溥化諫有壬曰參政可謂
過橋拆橋者矣有壬以為太恥移病不出○丁丑至元三
年正月帝畋于柳林凡三十五日○廣東朱光卿與其黨
石昆山鍾大明聚眾反稱大金國改元赤符河南捧胡亦

續一八身卷之二

舉兵反。二月定服色器血輿馬之制時服飾上下無別

帝初禁民間服麒麟鸞鳳白兔靈芝雙角五爪龍八龍九

龍萬壽字赭黃等服至是復詔定其制尋禁倡優盛服及

戴笠乘馬麒麟說文牝曰麒麟身馬足牛尾黃色

山有鳥狀如翟而五彩文名曰鸞見則天下安寧鳳雄曰

鳳雌曰凰鸞龍古文靈芝神草赫音者赤上也倡優女樂

也。○五月民間訛言朝廷刷取童男女一時嫁娶殆盡。

十月金華處士許謙卒謙受業金履祥之門履祥曰吾儒

之學理一而分殊理不患其不一所難者分殊耳又曰士

之為學若五味之在和醯鹽既加則酸鹹頓變子來見我

三日矣而猶夫人也豈吾之學無以感發於子邪謙聞之

理一分殊

為學之功
照間斷

白雲先生

惕然居數年盡得其所傳之妙履祥既沒謙益肆充闡多

所自得自謂吾非有大過人者惟為學之功無間斷爾平

生制行甚嚴而所以應世者不膠於古不流於俗屍跡入

金華山四方之士翕然來學其教人至誠諄悉內外殫盡

獨不教人以科舉之文曰此義利之所由分也不出里閭

垂四十年世稱為白雲先生卒謚文懿在和去聲醯酸

也懼也充闡闡開也明也大也易豐卦注闡者弘廣之

凡物之大具有二種一者自然之大一者由人之闡弘使

大膠旺也爾雅固也疏所以固物也金華山

在今浙江金華府城北翕然翕許及切合也

十一月詔以伯顏為太丞相○伯顏矯詔殺郊王徹徹篤

結貢十八身卷之二

四十一

奏賜死帝未允輒傳旨殺之又奏敗宜讓主帖木兒不花
威順王寬徹普化不俟命即遣之帝為之遂不平秉國鈞

國之均均與鈞同平也集覽鈞陶瓦輪也其中旋轉者取
周回調均之義卓氏蒸林宰相秉鈞當軸軸車軸也所以
持輪者鈞軸言其居中用事也○庚辰六年二月伯顏有罪黜為河南行

省左丞相尋竄南恩州道死伯顏專權自恣漸有異謀自
領諸衛精兵導從之盛填溢街衢勢焰薰灼命所養弟之

子脫脫宿衛偵帝起居脫脫深憂之私請於父馬札兒台
曰伯父驕縱已甚萬一太子震怒吾族亦矣○此語無物累昌若於未敗

圖之其父亦以為然脫脫復質於師吳直方直方曰傳有
之○大義滅親大夫但知忠於國爾餘復何顧焉一日見帝

大義滅親

乘間自陳忘家徇國之意帝猶未之信時帝前後左右皆

伯顏之黨獨世傑班阿魯為帝腹心乃遣二人與脫脫游
日以忠義之言相與往復辨論益悉其心靡他遂聞于帝

帝始信之一日泣語脫脫脫亦泣下遂與世傑班等謀
欲候伯顏入朝擒之一日伯顏請帝出畋脫脫勸帝稱疾

不往伯顏固請乃命太子燕帖古思出次柳林脫脫與世
傑班阿魯等合謀悉拘京城門鑰命所親信列布城門下

是夜奉帝居玉德殿遣怯薛月可察兒率三十騎抵營中
取太子入城又召楊瑀范匯入草詔數伯顏罪狀出為河

南行省左丞相伯顏奏乞陛辭不許道出真定父老奉觴

酒以進伯顏曰爾曹見子殺父事乎對曰不曾見子殺父
惟聞有臣弑君伯顏俛首有慚色既而帝以伯顏罪重罰
輕復降詔安置南恩州陽春縣行次江西隆興驛病死赤

前漢五行志注空盡無物曰赤質正也大義滅親左傳隱
公四年石碣純臣也惡州吁而厚與焉大義滅親其是之
謂乎徇又作狗與狗通字典凡以身從物皆曰狗拘執也
乘間乘空間處也鑰音燕闕下牡也牡所以下閉者也以
鐵為之安置胡三省曰投竄於荒遠州郡謂之安置匯
音灰上聲南恩州今廣東肇慶府隆興驛在南昌府

六月詔廢文宗廟主遷太皇太后弘吉刺氏于東安州放
燕帖古思于高麗殺諸途詔曰昔武宗升遐太后惑於愴
慝俾皇考出封雲南英宗遇害我皇考以武宗之嫡逃居
沙漠宗王大臣同心翊戴于時以地近先迎文宗暫總機

務繼知天理人倫所在假讓位之名以寶璽來上皇考推
誠不疑即立為皇太子而乃當躬迓之際與其臣月魯不
花也里牙明里董阿等謀為不軌使我皇考飲恨上賓歸
而再御宸極又私圖傳子嫁禍于八不沙皇后謂朕非明
宗之子出居遐陬上天不佑隨降殞罰叔嬪不容失里怙
其勢焰舍長嫡而立次幼奄復不年諸王大臣以賢以長
扶朕踐祚賴天之靈權奸戾黜永惟鞠育罔極之恩忍忘
不共戴天之義其命太常撤去圖帖睦爾在廟之主不容
失里削太皇太后之號徙東安州安置燕帖古思放諸高
麗當時賊臣月魯不花等已死其以明里董阿明正典刑

崔敬諫遷放太皇皇弟

時監察御史崔敬言文宗既撤廟主嬪母亦削鴻名盡孝正名斯亦足矣惟念皇弟燕帖古思年幼播遷天理人情有所不忍方先皇上賓皇弟尚在襁褓未有知識義當矜閔常人有一百金之產尚置義田以收養宗族陛下富有四海乃以同氣之人置之度外貽笑他邦取辱中國儻生他變關係非輕臣願殺身以贖皇弟之罪伏望陛下迎歸太后母子以盡骨肉之義書奏不報未幾太后崩于東安州

燕帖古思遇害于中道升遐禮記告喪曰天王登遐不軌出左傳軌謂法度也後世謂謀反者曰不軌上賓謂崩也宸極稱帝居曰宸宸取北辰義今人言宸極嫁禍史記移禍於人曰嫁禍叔嬪正勻俗呼叔母曰嬪叔母叔父之妻也指文宗之后奄忽也播遷也襁褓負兒衣也博物志襁褓織縷為之廣八寸長丈二以約

吳萊善論作文如用兵

宋徽宗獨不能為君

峻嶮進比刊圖

小兒於背義田與人共之曰義倉義田之類也○十一月詔復行科舉○處士吳萊卒直方之子萊不仕居深蘆山中窮經史以著述為務善論文嘗云作文如用兵兵有正有奇正者法度如部伍分明是也奇者不為法度所縛千變萬化坐作擊刺一時俱起及其欲止部伍各還其隊元不曾亂聞者服之深蘆山在江蘇清江縣○辛巳至正元年三月奎章閣學士峻嶮侍經進勸帝務學帝欲觀古名畫峻嶮取郭忠恕比干圖以進因言紂不聽諫遂亡其國一日帝覽宋徽宗畫稱善峻嶮進曰徽宗多能惟一事不能帝問何一事對曰獨不能為君爾其身辱國破皆由不能為君也能為君則他非所尚

續十餘卷

四十五

修宋遼金
三史

○癸未三年三月詔脩遼金宋三史初世祖立國史院首命王鶚脩遼金二史宋亡又命史臣通脩三史延祐天歷之間屢詔脩之以義例未定竟不能成至是命脫脫為都總裁鐵木兒塔識張起巖歐陽玄呂忠誠揭傒斯為總裁官脩之凡再閱歲書成上之發凡舉例論贊表奏多玄屬筆○十月親祀太廟帝行禮至寧宗室問曰朕寧宗兄也理當拜否太常博士劉聞對曰寧宗雖弟其為帝時陛下為臣春秋時魯僖公閔公兄也閔公先為君宗廟之祭未聞僖公不拜陛下當拜乃拜之○十一月翰林學士揭傒斯卒奚斯豫章豐城人少貧讀書刻苦延祐初程鉅夫與

清江處士
杜本

盧摯列薦于朝授翰林院編修文宗時嘗進太平政要策拜直學士丞相脫脫問政治何先曰儲材為先養之於譽望未隆之時用之於周密廢務之後可也○徵清江處士杜本不至本在武宗時嘗被召至京師即歸隱武夷山中文宗聞其名徵之不起至是脫脫薦之召為翰林待制親國史院編脩官使者趣至杭州稱疾固辭既又徵處士完者圖執禮哈即董立李孝光張樞樞辭不至詔以完圖執禮哈即為翰林待制立脩撰孝光著作郎或疑其太優右丞相鐵木兒塔識曰隱士無求於朝廷朝廷有求於隱士區區名爵何足吝惜識者誦之

隱士無求
於朝廷

清江今江西臨江府清江縣武夷山在福建建寧府

崇安縣杭州府人。○乙酉五年五月翰林學士兼旨嶮嶮

卒嶮嶮知經筵日勸帝就學帝欲寵以師禮固辭不可嘗

謂人曰天下事宰相當言宰相不得言則臺諫言之臺諫

不敢言則經筵言之備位經筵得言人所不敢言於天子

之前志願足矣故於時政得失有當匡救者未嘗緘默音

○丙戌六年十二月靖州徭吳天保作亂時湖廣徭俱

亂而天保勢尤熾寇陷黔陽武岡叙浦諸郡縣有衆六萬

餘廣西峒徭亦乘隙入寇種曰徭○丁亥七年十月公

江兵起○戊子八年八月奎章閣侍書學士致仕虞集卒

謚文靖集性孝友學博洽而究極本源研精探微心解神

靖州徭吳天保作亂

公江兵起

契其經綸之妙一寓諸文頗有宋慶歷乾淳風烈慶歷宋

契號乾淳乾道淳熙○十一月台州方國珍作亂國珍與蔡

亂頭等相讐敵遂入海劫掠漕運詔江浙參政朶兒只班

討捕之追至福州國珍知事危焚舟將遁官軍自相驚潰

朶兒只班遂被執國珍迫其上招降之狀朝廷從之授國

珍兄弟以官國珍不肯赴勢益猖獗台州府○寧國府

推官楊載卒載杭州人以大臣薦為翰林編修遷寧國府

推官載之文章一以氣為主自成一家言而於詩尤有法

嘗語學者曰詩當取材於楚漢而音節以唐人為宗范楊

虞揭俱為一代文章之巨擘而載之詩變宋末陋習尤居

方國珍兵起

范虞揭之先者也。巨擘大指也。孟子以仲子為巨擘。言齊人中有仲子如衆小指中有大指也。范

虞揭范范淳虞○已丑九年四月棗陽民張氏婦生男南

及周歲暴長四尺許容貌異常。臍腹擁腫。見人嬉笑如世

俗所畫布袋和尚云。臍腹左傳宣公二年城者歌曰臍其臍注大腹也。臍音姿擁腫戰國策

腫胞疾說文癰腫也擁一作癰○庚寅十年十月方國珍

攻温州○辛卯十一年天完主徐壽輝治平元年四月詔脩河防以賈

魯為總治河防使初黃河決脫脫集群臣廷議漕運使賈

魯曰必塞北河疏南河使復故道役不大興害不能已於

是遣工部尚書成遵與太司農禿魯行視河議其疏塞之

方遵等以謂河之故道斷不可復且曰山東連歉民不聊

棗陽童子暴長

河南北童謠

生若聚二十萬衆於此地恐他日之憂又有重於河患者

時脫脫先入魯言及聞遵等議怒曰汝謂民將及邪自辰

至酉論辨終莫能入明日執政謂遵曰脩河之役丞相意

已定且有人任其責公勿多言幸為兩河之議遵曰腕可

斷議不可易遂出遵河間鹽運使詔閱黃河故道命魯以

工部尚書充河防使發河南北兵民十七萬興功凡五閱

月諸埽隄成河復故道超授魯集賢大學士賜脫脫世襲

答刺罕之號其餘遷賚有差先是河南北童謠云石人一

隻眼挑動黃河天下反及魯治河果於黃陵岡得石人一

眼而汝穎之兵起疏通也。歎食不滿也。埽隄隄岸曰埽挑

搖也。宋濂曰議者往往謂天下之北皆

由賈魯治河之役勞民動衆之所致殊不知元之所以立
者紀綱廢弛風俗偷薄其致亂之階非一朝一夕之故也
使魯不興是役天下之亂詎無從而起乎

五月潁州劉福通兵起先是四方
盜賊蜂起有司不能制及發丁夫闕河民心益愁怨思亂
有韓山童者欒城人自其祖父以白蓮會燒香惑衆謫徒
永平至是山童倡言天下大亂彌勒佛下生河南及江淮
愚民翕然信之潁州劉福通與杜遵道等復詭言山童實
宋徽宗八世孫當為中國主遂同起兵以紅巾為號縣官
捕之急山童就擒其妻楊氏及其子韓林兒逃之武安惟
福通黨盛不可制攻破潁川遂據朱阜攻羅山上蔡真陽
確山諸縣尋犯舞陽葉縣陷汝寧府及光息二州衆至十

萬欒城今直隸真定府欒城縣永平今真隸永平府潁川屬江南鳳陽府武安今湖廣長沙府朱阜即平泉今河南

南南陽府羅山以下四縣俱屬河南汝寧府葉縣葉音攝白蓮會會猶曰社書言故事修行結為蓮社高僧傳僧惠遠居廬山與劉遺民等結白蓮社○蕭縣李二號芝蔴李亦以燒香聚衆

與其黨趙均用等攻陷徐州據之蕭縣屬江南徐州○羅田徐壽

輝與倪文俊鄒普勝等聚衆舉兵亦以紅巾為號攻陷蘄

水縣及黃州路羅田今湖廣黃州府羅田縣○十月信州及邵武兩

州建寧兩黑子大如黍菽衢州兩黍民多取而食之○

徐壽輝稱帝據蘄水縣為都國號天完建元治平○壬辰

十二年正月徐壽輝兵破漢陽諸郡威順王寬徽普化等

棄城走二月破江州總管李黼死之○定遠郭子興見汝

李二趙鈞用兵起

徐壽輝兵起

兩黍

徐壽輝稱帝

李黼死節

汝

節 泰不華死

穎兵起列郡騷動遂與其黨孫德崖等舉兵自稱元帥攻
 拔濠州據之徹里不花率兵欲復濠城憚不敢進惟日掠
 良民為盜以徼賞由是民益恟恟不安其豪傑咸投城
 以自保定遠今江南鳳陽府定遠縣濠州即鳳陽府○三月徐壽輝破袁瑞饒
 信徽等州○命各行省分兵擊諸路作亂者○達魯花赤
 泰不華欲招降方國珍遣義士王大用往諭國珍拘留不
 遣其戚黨陳仲達往來議降泰不華具舟張受降旗乘潮
 下澄江觸沙不行垂與國珍遇呼仲達申前議仲達目動
 氣索泰不華覺其心異手斬之即前薄賊船奮擊之賊群
 至欲抱持入其船泰不華瞋目叱之奪刀殺賊賊攢槩刺

死猶植立不仆

之中頸死猶植立不仆投其屍海中事聞追贈江浙平章
 封魏國公謚忠介氣索索竭也薄逼也○五月御史徹徹
 帖木兒等言諸處群盜輒引宋故號以為口實宜徙和
 尚完普及親屬於沙州安置禁人交通從之和尚完普故宋恭宗降于
 元封瀛國公後學佛為僧完普恭宗子蓋亦為僧故言和尚完普沙州今陝西行都司沙州衛也○七月
 徐壽輝兵襲杭州江浙參知政事樊執敬戰死董搏霄率
 兵復之遂復徽州○八月方國珍攻台州浙東元帥也忒
 迷失擊走之○右丞相脫脫將諸軍擊李二於徐州尚書
 密邇麻和謨等上言大臣天子之股肱中書廢政之根本
 不可以一日離乞詔留賢相弼亮天工如此則內外有美

張士誠兵起

星吉死節

治之宜。社稷有倚重之寄。不報。遂詔脫脫。總制諸路軍馬。凡爵賞誅殺悉聽。便宜從事。至徐州。攻其西門。破之。芝蘇李遁去。趙均用彭早住走濠州。追擒其將數十人。遂屠其城。大臣天子之股肱。書益稷。帝曰。臣作朕股肱耳目。注。資。臣以為助。猶元首。須股肱耳目。以為用也。兩亮。天。上。辨。典。致。或。惟。時。亮。天。工。注。使。之。各。敬。其。職。以。相。天。事。也。皋。陶。謨。天。工。人。其。代。之。注。天。工。天。之。工。也。人。君。代。天。理。物。庶。官。所。治。無。非。天。事。屠。其。城。師。古。曰。破。取。城。邑。誅。殺。人。如。屠。六。畜。然。○十一月。江西行省平章政事星吉擊趙普勝。戰于湖口。兵敗死之。○趙均用入濠州。據之。稱王。初。均用彭早住二人。本以窮蹙來奔。郭子興與孫德崖反。屈已下之。事皆稟命。遂為所制。既而早住死。均用益自專。○癸巳。十三年。五月。泰州張士誠及其弟士

張士誠兵起

吾膝如鐵

演撲兒法

德士信舉兵陷泰州。遂據高郵。稱誠王。號大周。建元天祐。已而有詔赦之。使至不得入。賊始言請李知府來。乃受命。淮南行省強知府李齊往。至則下齊於獄。齊雖辨說百端。而士誠本無降意。士誠呼齊使跪。齊叱曰。吾膝如鐵。豈為賊屈。士誠怒。使曳倒植。碎其膝。而高之。揚州府高郵州。紹音臺。上聲。誑也。高音寡。與剛同。剔人肉。至其骨也。府高郵。郵音由。今○六月。立子愛猷。識理達臘為皇太子。○十二月。江浙平章政事卜顏帖木兒等會兵擊徐壽輝于蘄水。破之。○平章政事哈麻及妹塔克魯帖木兒等。隗進西番。僧于帝。僧教帝妖術。號演撲兒法。帝日從事於其法。惟淫戲是樂。演撲兒。漢言大喜樂也。○郭子興患

續十人史略卷之二

五十一

河水成五色

趙均用之專乃領所部萬人入據滁州城稱王滁州屬江南

甲午十四年正月汴河水皆成五色花草如繪畫三日方

解汴河在河南開封府城西○六月張士誠攻揚州破之尋陷盱眙及

泗州盱眙音句知屬江南泗州屬江南○十一月丞相脫脫督軍征高郵

連戰克捷賊勢大蹙平章政事哈麻素與脫脫有隙使御

史袁賽因不花劾脫脫出師三月畧無寸功傾國家之財

削脫脫官爵

以為已用半朝廷之官以為已隨詔削奪脫脫官爵安置

製龍舟於內苑

淮安以太不花等代總其軍○帝製龍舟於內苑帝自製

船式長一百二十尺廣二十丈用水手二十四人皆衣金

紫自後宮至前宮往來遊戲行時龍首眼口爪尾皆動又

製宮漏

自製宮漏高六七尺廣半之造木為櫃藏壺其中運水上

下匱上設三聖殿匱腰立玉女捧時刻籌時至輒浮水而

上左右三金甲神一縣鐘一縣鉦夜則神人自能按更而

擊無分毫差鳴鐘鉦時獅鳳在側者皆自翔舞匱之東西

有日月宮飛仙六人立宮前遇子午時自能耦進度仙橋

達三聖殿復退立如前其精巧絕出人意皆前所未有帝

既怠於政治惟事遊宴以宮女十六人按舞名十六天魔

每宮中讚佛則按舞奏樂鉦音征鈴也讚佛誦經也○乙未十五年二

韓林兒稱宋帝

月劉福通等迎韓林兒立為宋帝號小明王建都亳州國

號宋改元龍鳳○三月竄脫脫于雲南○四月以哈麻為

明太祖起

左丞相其弟雪雪為御史大夫於是國家大柄盡歸兄弟矣。○六月明太祖朱元璋起兵太祖濠州人時四方割據稱雄者眾兵亂歲饑民不聊生壬辰春太祖避兵濠城有安天下救生民之志乃收納英賢置之左右遂起兵攻滁州下之明年又下和陽恩威日著豪傑歸心至是巢湖水寨軍帥俞通海等率眾萬餘船千艘來降太祖謂諸將曰方謀渡江而巢湖水軍來附吾事濟矣引舟東下首克牛渚磯遂進攻太平拔之耆儒陶安等率父老出迎安因獻言曰方今四海鼎沸豪傑並爭攻城屠邑互相長雄然其志皆在子女玉帛取快一時非有撥亂救民安天下之心

陶安獻言

明公率眾渡江神武不殺人心悅服以此順天應人而行弔伐天下不足平也

鼎沸人民擾亂如鼎湯沸騰沸謂禍亂甚也予伐予民伐罪

月答失八都魯擊宋劉福通軍破之十二月遂圍亳福通

以其主韓林兒走安豐

亳今江南鳳陽府亳州安豐漢縣故城在鳳陽府壽州

二月哈麻矯詔殺故中書右丞相脫脫于淮安○丙申十

六年正月哈麻雪雪有罪伏誅哈麻既相以前進西僧為

天下士大夫笑為恥欲奉帝為太上皇立太子為帝告其

父禿魯其妹聞之歸告其夫禿魯帖木兒時禿魯帖木兒

專以淫褻媚帝恐太子為帝則已必先誅即以聞于帝帝

大怒詔安置哈麻惠州雪雪肇州比行皆杖死人快之○

宋三國志云不敵斥言漢教
事畢曰哈麻謂漢年老故云
元夫老曰朕與漢年老故云
謂我乃老耶因罷哈麻

天完主徐壽輝據漢陽漢陽今湖廣漢陽府○二月張士誠入平江

據之遂陷湖州松江常州諸路平江今江南蘇州府○三月明太祖

帥水陸師進至江寧鎮攻破陳兆先營遂圍集慶南臺御

史大夫福壽督兵出戰力不能支死於兵太祖入城召官

吏耆老諭曰吾率眾至此為民除亂耳爾宜各安職業於

是吏民大悅更相慶慰遂改集慶路為應天府分遣諸將

為應天府方國珍降

取鎮江廣德皆下之○方國珍降命為海道漕運萬戶○

五月明太祖命徐達常遇春率兵取寧國攻之久不下太

祖乃親往督師既至守臣楊仲英開門請降百戶張文貴

張文貴死節

寧國今江南寧國府勿音向以及割頸也

○八月宋劉福通攻汴梁遂分兵略

地于山東西其勢大振○張士誠寇嘉興屢為行省楊完

者所敗乃以書請降許之遂授士誠大尉其弟士德淮南

平章○九月天完將陳友諒沔陽漁人子嘗為縣吏不樂

會壽輝文俊兵起慨然往從之為文俊簿書掾尋亦領兵

為元帥及文俊專恣心不能平至是文俊謀殺壽輝不果

奔黃州友諒因乘釁襲殺之遂併其軍沔陽沔音勉今湖廣安陸府沔陽州

起乃集鄉兵屯於青山結柵自固未幾降於壽輝及兒文

俊陷川蜀令王珍守之至是文俊死王珍遂自據成都蜀

明主珍據成都

掾音視官屬

中郡縣皆附之（隨州屬湖廣德安府）○詔天下團結義兵

（團結軍團之團言結隊也）○翰林學士兼旨歐陽玄卒玄性度雍容會

宏績密處已儉約居官廣平三任成均兩為祭酒六入翰

林三拜兼旨修實錄太典三史皆大制作凡制詰多出其

歐陽玄文章道德名世

手文章道德卓然名世卒封楚國公謚曰文（績密也成均

詩經太師秉國之鈞又誰秉國之成注成鈞皆平也制詰

師古曰天子之言曰制書謂為制度之命也韻會告上曰

告發下○戊戌十八年正月天完將陳友諒陷安慶守將

淮南行省右丞余闕死之闕守孤城六年寇至城下輒敗

去至是友諒合諸寇來攻群寇四面蟻集外無一甲之援

西門勢尤急闕自當之徒步提戈為士卒先分麾下將督

三門之兵自以孤軍血戰斬首無算而闕亦被十餘創城

陷闕知不可為引刀自剄隨清水塘中妻蔣氏及妾耶卜

耶律氏子德臣女安安甥福童亦皆赴井死同時死者守

臣韓建一家同死居民誓不從賊焚死者以千計（塘正韻

水曰塘宋濂曰闕獨守孤城逾六年小大二百餘戰戰必

勝其所用者不過民間兵數千初非有能虎之師直激之

以忠義故甘心效死而不可奪也雖不幸城陷以死而其

忠精之氣固自若也然闕死於君而能使妻死於夫子死

於父忠道貞節萃於一門較之晉卞壺又似過之矣嗚呼闕其人豪也哉○三月宋毛貴陷濟

南城據之時河南行省右丞董搏霄方駐於南皮之魏家

莊詔遣使為河南右丞甫拜命值貴兵猝至而營壘猶未

完諸將曰賊至當如何搏霄曰當以死報國因拔劍督戰

余闕一門死節

董搏霄死節

空中如有
兵戈之聲

賊突前猝搏霄刺殺之是日其弟昂霄亦死猝音卒擊也○大
 同路夜聞空中有聲初黑氣蔽西方有聲如雷頃之東北
 方有雲如火交財中天遍地俱見火光空中如有兵戈之
 聲○四月天完將陳友諒破龍興今江西南昌府○五月宋劉福
 通破汴梁奉其主韓林兒居之○六月宋將關先生兵破
 遼州遂大掠塞外諸郡遼州屬山西○九月張士誠殺苗帥楊
 完者先是江淮既亂議者以為苗兵可用遂自湖廣招至
 累破士誠兵苗性貪殘好殺所過屠戮士誠被窘既降欲
 圖之而江浙丞相達識帖木邇亦厭完者驕橫乃陰定計
 用士誠兵圍之完者兵敗自殺其部將員成等率所部詣

開郡學

明太祖諭
諸將

明太祖降完者死士誠益無所憚尋遣兵據杭州嘉興達
 識帖木邇無如之何矣○十二月明太祖取婺州胡大海
 兵攻婺州久不克太祖乃自將精兵十萬往征按之改婺
 州路為寧越府命知府王宗顯開郡學延儒士葉儀宋濂
 為五經師戴良為學正吳沉徐原等為訓導太祖集諸將
 諭之曰克城雖以武而安民必以仁吾師比入建康秋毫
 無犯故一舉而遂定今新克婺城民始獲甦政當撫卹使
 民樂於歸附則彼未下郡縣亦必聞風而歸吾每聞諸將
 下一城得一郡不妄殺人輒喜不自勝蓋師旅之行勢如
 烈火火烈則人必避之為將者能以不殺為心非惟國家

宋關先生
兵破上都
焚宮闕

所利在已亦蒙其福爾等從吾言則事不難就大功可成
矣。發音務興。蘇生也。
 ○宋關先生兵破上都焚宮闕帝欲復修之
 工役大興參議中書省事陳祖仁上疏諫其畧曰今四海
 未靖瘡痍未瘳倉庫告虛財用將竭乃欲驅疲民以供大
 役廢其耕耨而荒其田畝何異扼其吭而奪之食以速其
 斃乎陛下追惟祖宗宮闕念茲在茲然不思今日所當興
 復乃有大於此者願陛下以生養民力為本以恢復天下
 為務信賞必罰以驅策英雄親正人遠邪佞以圖謀治道
 夫如是則兼平之觀不日咸復詎止上都宮闕而已乎疏
 奏帝嘉納之瘡痍戰而被創傷者扼其吭扼抑也吭咽也恢復恢大也○己亥十九年

方國珍附
於明太祖

三月方國珍附於明太祖先是太祖遣使招諭國珍
 與其下謀曰方今元運將終豪傑並起惟江左號令嚴明
 所向莫敵今又東下婺州恐不能與抗况與我為敵者西
 有張士誠南有陳友諒莫若姑示順從籍為聲援以觀其
 變遂遣使奉書幣以温台慶元三郡來獻以次子關為質
 太祖曰古者慮人不從則為盟誓盟誓變而為交質皆由
 未能相信故也今既誠信來歸便當推誠相與如青天白
 日何自懷疑而以質子為哉乃厚賜關而遣之國珍既又
 以金王飾馬鞍轡來獻太祖曰吾方有事四方所需者文
 武材能所用者穀粟布帛其他寶玩非所好也悉却之温

明太祖卻
質子

浙江温州府台今浙江台州府為質質音至廣義曰帝王之興識見自爾超卓異常觀我太祖之待國珍則知漢之高光有所不及矣嗚呼休哉

○四月趙均用殺宋毛貴其黨續繼祖執均用殺之○六月天完將陳友諒攻信州江東廣訪使伯顏不花的介往救死之○八月察罕帖木兒復汴梁宋劉福通以其主韓林兒復走安豐○九月明太祖兵取衢處州初太祖克婺州置分中書省召儒士許元葉瓚王等十人皆會食省中日令二人進講經史敷陳治道至是克處州又有薦青田劉基龍泉章溢等者即遣使以書幣徵之至建康比入見甚喜賜坐從容與論經史及咨以時事深見尊寵既而命有司即所居之西創禮賢館處之時朱

禮賢館

文忠守金華復薦王禕王天錫至皆用之衢處州今浙江衢州處州二府

青田今處州府青田縣龍泉今處州府龍泉縣○十二月天完將陳友諒徙其主

徐壽輝都江州自稱漢王江州今江西九江府○庚子二十年二月

右丞相太平罷先是太子謀內禪諭意太平太平不答太子惡之去其政柄知樞密院事紐的該聞之數於帝前左右之以故太子之志未得逞太子又令御史誣太平所任用成遵趙中賊罪下獄杖殺之太平知勢不可留乃以病辭位養疾于家臺臣奏留之不允○三月以糊思監為右丞相時帝益厭政宦者朴不花用事為奸利糊思監因與結構相表裏四方警報將臣功狀皆壅不上聞卒召禍亂

陳友諒弒其主徐壽輝稱帝

論者謂元之亡二人之罪居多○五月陳友諒弒其主徐壽輝遂自稱帝國號漢改元太義先是友諒率舟師犯太平挾壽輝以行及太平既陷急謀僭竊乃於米石舟中使人詣壽輝前白事令壯士持鐵槌自後擊之碎其首壽輝死友諒遂以米石五通廟為行殿稱皇帝樞筮也策也行殿行在殿也梁琛曰太子以四海為家故行日來輿止日行在○八月命大同大都督宇羅帖木兒守石嶺關以北陝西平章政事察罕帖木兒守石嶺關以南大同治山西大同府石嶺關在山西太原府城東北○十二月陽翟王阿魯輝帖木兒王太宗子滅里大王七世孫也時兵起四方朝廷屢詔宗王以北兵南討陽翟王知國事不可擁兵數十萬犯京畿使來言曰祖宗付汝以天

陽翟王犯京畿

下汝已失其大半若以國璽付我當自為之帝遣報曰天命有在汝欲為則為之命知樞密院事禿堅帖木兒等將兵擊之不克軍士皆潰禿堅帖木兒走上都陽翟北邊地名大半凡數三分二為木○辛丑二十一年八月明太祖帥師伐漢拔江州漢主友諒走武昌先是友諒引兵犯金陵敗潰奔還尋遣其將張定邊陷安慶府太祖乃下令諸將曰陳友諒賊殺其主僭稱大號侵我太平犯我健康今又以兵陷我安慶觀其所為不滅不已爾等其厲士卒以從徐達進曰師直為壯今我直而彼曲焉有不克劉基曰取威制敵以成王業在此時也遂督諸將率舟師乘風溯流而西遂克

安慶長驅向江州分舟師為兩翼夾擊友諒大破之友諒挈妻子夜奔武昌既而友諒偽將胡廷瑞見江州已破遣使詣軍中請降太祖遂至龍興建昌王溥饒州吳宏袁州歐普祥各率眾來見寧州陳龍及吉安孫本立等皆來降乃改龍興路為洪都府○九月阿魯輝帖木兒兵逼上都太子言於帝令以太平為留守實欲置之死地阿魯輝部將脫驩者太平子也先忽都故將也引兵縛阿魯輝至軍前太平不受送闕下誅之太平終不以為已功○明王珍破東川郡縣東川四部○壬寅二十二年三月明王珍破雲南五月自稱隴蜀王先是王珍聞陳友諒弒徐壽輝謀欲

新... 卷之...

五十一

擴廓帖木兒復讐

討之整兵守夔關不與相通復立廟以祀壽輝至是自稱隴蜀王○六月宋降將田豐殺平章政事察罕帖木兒初察罕帖木兒復汴梁定河南復山東以田豐據山東久軍民服之乃為書招之豐及王士誠皆降山東俱平獨益都孤城不下至是移兵圍之大治攻具諸道並進田豐復與王士誠陰謀刺殺察罕叛入城事聞命其子擴廓帖木兒代總其兵擴廓帖木兒既領兵討賊誓必復讐而賊城守益固乃穴地通道以入拔其城執賊首獻闕下而取田豐王士誠之心以祭其父餘黨皆就誅遂遣兵取莒州山東悉平○癸卯二十三年夏王明王珍天統元吳王張士誠元是歲并宋漢凡四國正

續... 卷之...

五十一

明王珍稱帝

明太祖鄱陽湖之捷

月明王珍稱帝于成都國號夏建元天統○二月擴廓帖木兒引兵還河南○張士誠將呂珍入安豐殺宋劉福通等據其城明太祖率兵擊走之○七月漢主友諒圍洪都明太祖師諸將討之大戰于鄱陽湖友諒敗死子理立初友諒忿其疆場日蹙乃作大艦出攻洪都其勢甚盛城且壞明太祖將朱文正趙德勝等死戰德勝中流矢死内外阻絕文正遣使告急太祖率舟師二十萬進次湖口友諒聞援兵至即收兵東出與太祖兵遇鄱陽湖之康節山太祖將徐達等擊敗其前軍明日諸軍接戰至晡友諒大敗其弟友仁友貴皆死其將張定邊欲退保鞋山不得出斂

陳友諒敗死

舟自守不敢戰太祖泊於左蠡與友諒相持者三日友諒計窮冒死突出將奔還武昌太祖麾諸將邀擊之友諒中流矢貫睛而死太子善兒為虜張定遠乘夜載其屍及其子理徑趨武昌遂立理為帝改元德壽鄱陽湖鄱音安在江西饒州鄱陽縣○九月張士誠自稱吳王跨南昌饒州南康三府之地即彭蠡也左蠡蠡音里彭蠡之左也先是士誠雖請降授官而城地甲兵錢穀皆自據如故至是令其部屬自頌功德求王爵不報士誠遂自立為吳王即平江治宮室立官屬朝廷遣使徵糧于士誠士誠不奉自是東南海運絕○十一月太子惡太傅太平令人劾奏之安置土番尋遣使逼令自殺土番今西藏國也自殺自殺也○十二

明太祖建國號吳

月宦者朴不花索驪內侍太子外結右丞相糊思監驕恣不法治書侍御史陣祖仁上疏諫之忤太子意祖仁復上書言之極痛切帝大怒時侍御史李國鳳亦言二人當斥於是臺臣自老的沙以下皆左遷而出祖仁于甘肅老的沙遂與禿堅帖木兒逃於孛羅帖木兒軍中左遷謂降秩也○甲辰二十四年正月明太祖國號吳即王位建百司官屬二月自將伐漢擒其元帥張必先既而遣其降將羅復仁入城諭漢主陳理使降理遂率其太尉張定邊等詣軍門請降凡府庫儲蓄悉令理自取於是湖廣江西悉平○三月右丞相糊思監狗太子旨誣老的沙等不軌收其黨鍛鍊

孛羅帖木兒舉兵向關

其獄連逮不已帝數諭太子寢其事太子不從糊思監朴不花皆附太子必窮究其事又譖禿堅帖木兒訟毀朝政而孛羅帖木兒與禿堅帖木兒友善且知其誣遣人曰其非罪太子怒下詔削孛羅官爵而奪其兵孛羅拒命遂詔擴廓帖木兒討之孛羅知詔命調遣糊思監所為非出帝意遂舉兵向關太子迎戰不利率侍衛兵東走興松時京師無備城中大震令百官吏卒分守使人即其軍問故以必得糊思監朴不花為對詔慰解之不聽乃執二人昇之遂復孛羅官爵仍守禦大同乃引軍還大同既而太子還宮恚怒不已發兵討孛羅孛羅與禿堅老的沙復大舉向

關前鋒入居庸關太子親禦敵清河軍潰奔冀寧李羅遂
 專國太子大發諸路兵分三道而進李羅自將拒戰大敗
 九月威順王之子和尚忿其屢舉兵犯闕無君言于帝受
 密旨結勇士陰圖刺之老的沙禿堅帖木兒等皆伏誅帝
 遣使函索羅首往冀寧召太子還擴廓帖木兒遂扈從至
 京師鍛鍊前漢書鍛鍊而周內之酷吏巧入人罪也連逮
 師古曰逮及也詳之所及則逮捕之故謂逮謂遣調
 選也扈從也從隨也侍○乙巳二十五年二月張士
 誠將李伯昇率眾二十萬攻諸全之新城明太祖將胡德
 濟堅守求援於李文忠文忠即率兵由嚴陵馳援之眾寡
 不敵文忠引數十騎乘高馳下直出陳後衝其中堅敵遂

黃河北移

大潰亂德濟亦帥城中將士鼓譟而出大敗之李伯升僅
 以身免○五月福建行省平章陳有定復處州擒明太祖
 將總制參軍胡深斬之有定福清人至正十二年盜起海
 上汀州判蔡公安募吏士有定以明溪驛卒談軍事公安
 奇之從討延平邵武諸賊平之登功擢行省平章政事守
 汀州兵勢日盛福建諸郡皆據有之其為人沈勇喜游俠
 擊斷眾憚服之爭願為之役○丙午二十六年二月黃河
 北徙民多被害○三月夏主明玉珍卒子昇立時甫十歲
 母彭氏同聽政改元開熙○四月明太祖兵取淮安諸路
 守將忻都左君弼等皆出奔汴梁○五月明太祖命有司

明太祖立宗廟社稷

節儉是寶

訪求古今書籍因謂侍臣曰吾每取孔子之言觀之如節用而愛人使民以時真治國之良規孔子之言誠萬世之師也○夏主明昇遣使明太祖聘問太祖命蔡哲往報之哲挾畫工同往圖其山川險易以獻太祖覽而嘉之遂為取道伐蜀之張本張本預為後地曰張本言後太祖伐蜀據此圖考其形勢○十二月明太祖立宗廟社稷太祖以國之所重莫先宗廟社稷遂定議命有司立廟社建宮室典營繕者以宮室圖進見其有雕琢奇麗者即去之曰吾常謂珠玉非寶節儉是寶宮室但取完固而已何必極雕巧以殫天下之力也○宋主韓林兒卒○丁未二十七年正月絳州夜聞天鼓鳴將且

天鼓鳴

張士誠妻劉氏死節

復鳴其聲如空中戰鬪者絳州屬山西平陽府天鼓史記在天而下及地其所往者兵發其下○三月明太祖定文武科取士之法○九月明太祖將徐達常遇春圍平江既久至是遇春率眾進薄城下張士誠軍大潰諸將蟻附登城城破士誠收餘眾親率之戰於萬壽寺東街復敗士誠倉皇歸謂其妻劉氏曰我敗且死若曹何為劉氏曰君勿憂妾必不負君乃予乳媪金抱二幼子出積薪齊雲樓下驅其群妾侍女登樓令養子辰保縱火焚之劉氏自縊死日暮士誠距戶經舊將李伯昇決戶抱解之徐達令人慰諭之反覆數四士誠瞑目不言乃以舊盾昇至舟中送建康士誠臥舟中不

明太祖定中原檄

食至龍江堅臥不肯起。昇至中書省，李善長問之不語。已而士誠言不遜，善長怒罵之。士誠竟自縊死。十月，明太祖既掃除群雄，撫有江南，乃遣大將軍徐達、副將軍常遇春率甲士二十五萬北伐，以定中原。乃馳檄諭齊魯、河洛、燕、荆、秦、晉，其略曰：自古帝王臨御天下，中國居內，以制夷狄。宋祚頽移，元以北狄入主中國，此豈人力實乃天授。然達人志士尚有冠屨倒置之嘆。自是以後，元之臣子不遵祖訓，廢壞綱常，及其後嗣沈荒失君臣之道，又加以宰相專權，憲臺報怨，有司毒虐，於是人心離叛，天下兵起。雖因人事所致，實天厭其德而弃之之時也。古云：胡虜無百年

之運，驗之今日，信乎不謬。予本淮右布衣，因天下亂為眾所推，率師渡江，居金陵，形勢之地，食稍足，兵稍精，自視我中原之民久無所主，深以疚心。予恭天成命，固敢自安。方欲遣兵北逐群虜，拯生民於塗炭，復漢官之威儀，慮民人未知，反為我讐挈家北走，陷溺尤深。故先諭告兵至，民人勿避，予號令嚴肅，無秋毫之犯。既而徐達常遇春由淮入河，鼓行而東，首克沂州，進取嶧州及益都。於是萊州諸郡悉奉圖籍來降，山東既定。明年徐達等會諸將於臨清，進克大都，擒皇孫買的里八剌帝與后妃太子，同議避兵北行。命淮王帖木兒不花監國，慶童為左丞相，同守京城。夜

續十八史畧讀本卷之一

半閱建德門北奔帝在位三十六年改元者二曰元統至
正元自世祖至元十七年至是凡十世八十八年而亡
駐應昌二年殂壽五十一太尉完者等奉梓宮北葬謚曰
惠宗明太祖以元主知順天命退避而去特加號曰順帝
而封其孫買的里
八剌為崇禮侯

續十八史畧讀本卷之一終



